

文

粹

三

吳興姚

鉉

纂

鳥獸
昆蟲

大鵬賦

李白

鵬賦

杜甫

白鷗賦

蕭穎士

白鷗鵠賦

王維

感二鳥賦

韓愈

白羽扇賦

張九齡

玄猿賦

吳筠

塵尾賦

陳子昂

由鹿賦

呂溫

蠶賦

陸龜蒙

秋蟲賦

羅隱

蝨賦

李商隱

後蝨賦

陸龜蒙

蝨賦

李商隱

大鵬賦 并序

李白

余昔於江陵口見天台司馬子微謂余有仙風道骨可與神遊八極之表因著大鵬遇希有鳥賦以自廣此賦已傳于世往往人間見之悔其少作未窮宏達之旨中年棄之及讀晉書觀阮宣子大鵬讚鄙心陋之遂更記憶多將舊本不同今復存于集豈敢傳諸作者庶可示之子弟而已其辭曰

南華老仙發天機于漆園吐崢嶸之高論開浩蕩之奇言徵至怪于齊諧談北溟之巨魚吾不知幾千里其名曰鯤化成大鵬質疑胚渾脫脩鬣于海島張廣翅于天門刷渤澥之春冰晞扶桑之朝暾赫奕乎宇宙憑凌乎崑崙一鼓一舞煙濛沙昏五嶽為之震蕩百川為之崩奔爾乃蹶巨壑摩太清亘層霄突重溟激三千以崛超搏九萬而迅征背業太山之崔嵬翼舉垂雲之縱橫左迴右旋倏陰忽明歷汗漫以天矯排閭闔之崢嶸簸鴻濛扇雷霆斗轉而天動山搖而海傾怒無所搏雄無所爭固可想象其勢髣髴其形若乃足縈虹蜺目耀日月連軒沓拖揮霍翕忽噴氣則六合生雲灑毛則千里飛雪邈彼北茱將窮南隅遞逸翻以旁鼓擊奔颺而長駘燭龍銜光以照影列缺施鞭而啓塗塊視三山杯觀五湖其動也神應其行也道俱任公見之而罷釣有窮不敢以彎弓弧其不投竿失鏃仰之長吁爾其雄姿壯觀映背河漢上摩蒼蒼蒼下覆漫漫盤古開天而直視羲和倚日以傍歎續紛乎八茱之間隱映乎四海之半橫大明而掩晝若混茫之未判忽騰覆以迴旋則

霞廓而霧散然後六月一息至于海湄歎翳景以橫楮逆高天而下
垂憩乎泱漭之野入乎汪漭之池猛勢所射餘風所吹溟漲沸渭巖
嶽紛披天吳爲之怵慄海若爲之躡蹀巨鼇冠衿山而却走長鯨騰
海而下馳縮殼挫鬣其之敢窺吾亦不測其神怪而若此蓋乃造化
之所爲豈比夫蓬萊之黃鵠誇金衣與菊裳恥蒼梧之玄鳳耀綵質
與錦章旣服御于靈仙亦馴擾于池隍精衛殷勤于銜木鷄鷓
悲愁乎薦觴天雞警曙于蟠桃跋烏炳耀于太陽不曠蕩而縱
適何拘孿而守常未若茲鵬之逍遙無厭類而比方不矜大而暴猛
每順時而行藏參玄根以比壽飲元氣以爲漿戲暘谷而徘徊憑
炎洲而抑揚俄而希有見而謂之曰偉哉鵬乎若此之樂也吾左翼
掩乎東極右翼蔽乎西荒跨躡地絡周旋天綱以恍惚爲巢以虛無
爲場我呼爾遊爾呼我翔於是大鵬許之欣然相隨此二禽已登于
寥廓而尺鷃之輩空見笑于藩籬

鵬賦 并進表

杜甫

臣甫言臣之近代陵夷公侯之貴磨滅鼎銘之勳不復照耀於明時自
先君恕預以降奉儒守官未墜素業矣亡祖故尚書膳部員外郎
先臣某脩文於中宗之朝高視於藏書之府故天下學士到于今而
師之臣幸賴先臣緒業自七歲所綴詩筆向四十載矣約有千餘篇
今賈馬之徒得排金門上玉堂者甚衆矣唯臣衣不蓋體常寄食
於人奔走不暇祇恐轉死溝壑安敢望仕進乎伏惟明主哀憐之
儻使執先祖之故事拔泥塗之久辱則臣之述作雖不足以鼓吹
六經先鳴數子至於沈鬱頓挫隨時敏捷而揚雄枚臯之流庶可
跂及也有臣如此陛下其舍諸伏惟明主哀憐之無令役役至於衰老
也臣甫誠惶誠恐頓首頓首死罪死罪臣以爲鷃者鷃鳥之殊特搏
擊手而不可當豈但壯觀於旌門發狂於原隰引以爲類是大臣正色
立朝之義臣竊重其有英雄之姿故作此賦實望以此達於聖聰
耳不揆蕪淺謹投延恩匭進表獻上以聞謹言

當九秋之清淒見一鷃之直上以雄材爲己任橫殺氣而獨往捎捎
勁翮肅肅遺響杳不可追俊無留賞彼何鄉之性命碎今日之
指掌伊鷃鳥之累百敢同年而爭長此鷃之大略也若乃虞人之所

得也必以氣稟玄冥陰乘甲子河海蕩滂風雲亂起雪冱山陰冰
纏樹死迷向背於八極絕飛走於萬里朝無所充腸夕違其所止頗愁
呼而蹭蹬信求食而依倚用此時而椽杵待斲者而網紀表狎羽而
潛窺順雄姿之所擬欬捷來於森木固先繫於利觜解騰攫而
竦神開網羅而有喜獻令之課數備而已及乎闔諫受之也則擇其
清質列在周垣揮拘攣之掣曳挫豪梗之飛翻識畋遊之所使登
馬上而孤騫然後綴以珠飾呈於至尊搏風槍壘用壯旌門乘輿
或幸別館獵平原寒蕪空闊霜仗喧繁觀其夾翠華以上卷毛
血之崩奔隨意氣而電落引塵沙而晝昏豁堵牆之榮觀棄功
効而不論斯亦足重也至如千年孽狐三窟狡兔恃古塚之荆棘飽
荒城之霜露回惑我往來赳赳我場圃雖青駸戴角白鼻如瓠
感奔蹄而俯臨飛迅翼以遐寓而料全於果見迫寧遽屢攬之而
穎脫便有若於神助是以嘒嘒其音颯爽其慮續下講而繚繞尚
投跡而容與奮威逐北施巧無據方蹉跎而就擒亦造次而難去一
奇卒獲百勝昭著夙夕多端蕭條何處斯又足稱也爾其鷓鴣鷓鴣
之倫莫益於物空生此身聯拳拾穗長大如人肉多奚有味乃不珍
輕鷹隼而自若託鴻鵠而為鄰彼壯夫之慷慨假強敵而遠巡拉
先鳴之異者及將起而遄臻忽隔天路終辭水濱寧掩羣而盡取且
決意而驚鷲新此又一時之俊也夫其降精於金立骨如鐵目通於腦
筋入於節架軒楹之上純漆光芒制梁棟之間寒風凜冽雖趾躄千
變林嶺萬穴擊叢薄之不開突扞扞而皆折又有觸邪之義也久
而服勤是可吁畏必使烏攫之黨罷罷鈔盜而潛飛梟怪之羣想
英靈而遽墜豈比乎虛陳其力叨竊其位等摩天而自安與槍榆
而無事者矣故不見其用也則晨飛絕壑暮起長汀來雖自負去
若無形置巢截菓養子青冥倏爾年歲茫然闕廷莫試鈎爪空
迴斗星衆鷓鴣儻割鮮於金殿此鳥已將老於巖扃

白鷓鴣賦 并序

蕭蕭穎士

白鷓鴣羽族之幽奇也素質黑章爪觜純丹體備冠距頗類夫雞翟
神貞清閑不雜於衆禽栖止遐深與人境罕接固莫得而馴狎也上
聞而嚮焉處以雕籠致以駟騎將集長楊游太液行有日矣天寶

辛卯歲予旅泊江會流宕逾時秋八月自山陰前次東陽方議夫南
登西泛極聞見之義諒福懷所素蓄而未之從也會有命自天台
赴京闕適與茲鳥偕至于會稽之傳舍觀其宛頸旁睨徬徨掩抑
往往孤鳴音韻淒涼如慕侶而不獲因感而賦之曰

鳥之生矣于彼江山彩之玄素文不綺班備文武之玉飾微妖姬之殊
顏情莽眇以耿絜貞軒昂以安閑無馴擾之近性故不愜於人窠
遊必海裔栖必雲間翼養拙以自保祛未萌之憂患不然豈陋彼
都邑之佳麗顧投身乎阻艱以其標自然之靜故名之曰白鷗者
歟何天聽之緬邈辱微禽之瑣細偶一日之見羈委微軀以受制望
層城以斂翼懷衆侶而孤唳從殿置之駿奔仰君門以遐逝君門
兮九重同叫窸兮穹崇池太液兮島方壺萬族翔泳乎其中晝
聒未央之繁絃夕警長樂之靈鍾顧踈野之賤迹豈敢求一枝而
見容越水清兮鏡色吳山遠兮天逼窺淺深以颺影逗杳冥兮一
息謂杉松可得永日而噪聚萑苻行足以窮年而啄食一與心賞兮
睽違念歸飛兮何極鸚能言而入座鶴善舞而登軒殊二者之俗
態諒慚惶於主恩是以雖信美而非其志獨屏營而兢魂者焉

白鷗鷓賦

王維

若夫名依西域族本南海同朱喙之清音變綠衣於素彩惟茲鳥
之可貴諒其美之斯在爾其入翫於人見珍奇質狎蘭房之妓女桂
林之雲日易喬枝以羅袖代危巢以瓊室慕侶方遠依人永畢託言
語而雖通顧形影之非匹經過珠網出入金鋪單鳴無應隻影長
孤偶白鷗於池側對皓鶴於庭隅愁混色而難辨願知名而自呼明
心有識懷恩何極芳樹絕想雕梁撫翼時銜花而不言母投人以
方息慧性孤寡雅容非飾含火德之明輝被金方之正色至如海鷗
呈瑞有玉篋之可依山雞學舞向寶鏡而知歸皆羽毛之偉麗奉
日月之光輝豈憐茲鳥地遠形微色凌紈質彩奪繒衣深籠久閉
喬木長違儻見借其羽翼與遷鷗鳥而共飛

感二鳥賦 并序

韓愈

貞觀十一年五月戊辰憲東歸癸酉自潼關出息于河之陰時始
去京師有不遇時之歎見行有籠白鳥白鷗鷓而西者號於道口

某士之守某官使使者進於天子東西者皆避路莫敢正目焉因竊自悲幸生天下無事時承先人之道業不識干戈攻守耕穫之勤讀書著文自七歲至今凡二十二年其行己不敢有愧之道其閑居思念前古當今之故亦僅志其一二大者焉選舉於有司與百十人偕退曾不得薦書齒下士于朝以仰望天子之光明今是鳥也惟以羽毛之異非有道德智謀承顧問贊教化者乃反得蒙採擢薦進光輝如此故為賦以自悼且明夫遭時者雖小善必達不遭時者累善無所容焉其辭曰

吾何歸乎吾將既行而後累思誠不足以自存苟有食其從之出國門而東鶩觸白日之隆景時返顧以流涕念西路之差永過潼關而坐息窺黃流之奔猛感二鳥之無知方蒙恩而入幸惟進退之殊異增予懷之耿耿彼中心之何喜徒外飾焉是逞予生命之湮阨曾二鳥之不如汨東西與南北恒十年以不居辱飽食其有數况榮名與薦書時所好之為賢庸有謂余之非愚昔殷之高宗得良弼於宵寐孰左右者為之先信天同而神比及時運之未來六求而莫致雖家到而戶說祇招尤而速累蓋上天之生余亦有期於下地盍永配於古人獨怛悵於無位雖得之而不能乃鬼神之所戲幸年歲之未暮庶無羨於斯類

白羽扇賦 并序

張九齡

開元二十四年夏盛暑奉敕遣大將軍高力士賜宰臣白羽扇九齡與焉竊有所感立進賦曰

當時而用任物所長彼鴻鵠之弱羽出江湖之下方安知煩暑可致清涼豈無紉素彩畫文章復有脩竹剖栝毫芒提携密邇搖動馨香惟衆珍之在御何短翮之敢當與竊恩於聖后且見持於未央伊昔皐澤之時亦有雲霄之志苟効用之得所雖殺身而何忘肅肅鳥羽穆如微風縱秋氣之移奪終感恩於篋中

立獲賦 并序

吳筠

前志稱周穆王南征君子變為獲鶴小人變為蟲沙夫神用無方未必不爾筠自入廬嶽則覩斯立獲嘉夫雨昏則無聲景霽則長嘯不踐土石超遙於萬木之間春咀其英秋食其實不犯稼穡深棲遠

處猶有君子之性異乎狙猿之倫且多難已來庶品凋敗麋鹿殫於網罟遺氓困於誅求此獨蕭然物莫能患豈不以託跡冥絕不才遠

禍昔夫子歎山梁雌雉曰時哉時哉子因感之聊以作賦
伊立援之所育于南國之曾岑動不踐地居常在林雖泛泛而無據亦熙熙而有心零嵐昏而共默風雨霽而爭吟使幽人之思清暢羈客之涕霑襟何必聆嶰谷之管對雍門之琴哉歷千尋之喬木俯萬仞之危嶠弄遊雲之亂飛嬉落日之橫照連肱澗飲命侶煙嘯或聚而閑棲或分而迥趨壽同靈鶴性本君子阻重巖之險非虎豹所履蔭交柯之密豈鷓鴣能視故逢蒙操弓憚高深而止鄧公折箭含惻隱而已何患累之罕臻不干物以利己詎若狒狒凌人以就戮猩猩甘酒而適死夫時珍貂裘世寶狐白徒能工於隱伏終見陷於機辟麝射懷香以賈害狙伐巧而招射小則翡翠殞於毛羽大則犀象殘於齒革孰能去有用之損取無用之益固弃置於常情永逍遙以自適無威刑以相臨有族類而相親食資諸物衣取諸身不賦不役靡勞靡勤如政教之未施保巢居之淳淳匪虞氏之所及何狙公之能馴吾固知人為物之貴又焉測元化之所大鈞乎

麋尾賦 并序

陳子昂

甲子歲天子在洛陽時余始解褐與秘書省正字太子司直宗秦客置酒於金谷亭大集賓客酒酣共賦座上食物命余為麋尾賦焉
天之浩浩兮物亦云云性命變化兮如絲之棼或以神好正直天蓋默默或以道惡強梁天亦茫茫此仙都之微獸因何負而罹殃始居幽山之藪食乎藟草之鄉不害物以利己每營道而同方向忘情以委代而任性之不忘卒罟網以見逼受庖割而罍傷豈不以斯尾之有用而殺身於此堂為君彫俎之羞廁君金盤之實承主人之嘉慶對象筵與寶瑟雖信美於茲辰詎同歡於疇日客有感之而歎曰命不可思神亦難測吉凶悔吝未始有極假如天道之用莫神於龍受戮為醢不知其凶王者之瑞莫聖於麟遇害於野不知其仁神既不能自智聖亦不能自知况林棲而谷走及山鹿與野麋古人有言天地之心其間無巧冥之則順動之則天諒物情之不異我心又何競於猜矯故曰天之神明與物推移不為事先動而輒隨

是以至人無已聖人不知子欲全身而遠害曾是浩然而順斯

由鹿賦 并序

呂溫

貞元丁卯歲予南出襍樊之間遇野人繫鹿而至者問之荅曰此為田鹿由此鹿以誘致羣鹿也備言其狀且曰此鹿每有所致輒嗚嗥不飲食者累日余喟然歎曰虞之即鹿也必以其類致之人之即人也亦必以其友致之寔繁有徒古之然矣嗟乎鹿無情而猶知痛傷人之與謀寔安殘酷者彼何人斯彼何人斯物微感深遂作賦曰鹿之生兮亦稟亭毒備齒角而自牧姑有味於行止尚焉知乎倚伏捨爾宗林輕遊近麓偶巧網之生致蒙主人之全育飲以沫井飼于芳庭寢卧荃柔騰倚蘭馨露往霜來日安月寧雖矯性之非樂終感恩而不驚曾不知養非玩物用有深意命之曰由俾陷其類涼秋八月爽景清氣羈致山阿靡于蹊隧設伏以待翳叢而伺同氣相求誘之孔易將必慕侶豈云貪餌吻吻和鳴虞虞狎至彼泯慮於猜信此無情於誠偽孰是蒼卒禍生所忽毒鏑欵以星貫潛機劃其電發或洞曾而達腋或折足而碎骨望林巒兮非遠顧町疇兮未滅風嗥澤而北至日掩山而西沒走駭侶於巖煙叫飢麋於澗月苟行路之聞者孰不心摧而思絕想爾由矣野心而仁望純束而驚顧隨獲車兮逡巡視鼎中之銷爛觀机之上剖分忽哀鳴以感類若沈痛之在身雖復處之密邇享以豐珍比檻猿之駭躍同海鳥之愁辛敢擇蔭而後止思走險以何因痛無知以相陷含怨毒而莫伸客有感而言曰物誠有諸人亦宜乎撫事或比原心則殊借如淮陰才禍寃在神理通說且拒豨謀寧起堂堂蕭公實曰知己給致鍾室胡寧忍此呂祿之難誰非漢臣交則不義賣亦不仁彼美酈生既為交親誘龍軍印豈無他人於戲微獸傷類如不自容伊人賣友而享其功滅交道兮墜義風曾麋鹿之不若何仁信之可宗已焉哉諒此世之茫茫吾未見其始終

螿蟲賦 并序

陸龜蒙

荀卿子有螿蟲賦揚泉亦為之皆言螿蟲有功於世不斥其禍於民也余激而賦之極言其不可能無意乎詩人碩鼠之刺於是乎在古民之衣或羽或皮無得無喪其游熙熙藝麻緝纊官初喜窺十

奪四五民心乃離逮蠶之生繭厚絲美機杼經緯龍鸞葩卉官誕
益嚙盡取後已嗚呼既豢而烹蠶實病此伐桑滅蠶民不凍死

秋蟲賦 并序

羅隱

秋蟲蜘蛛也致身網羅間實腹亦網羅間愚感其理有得喪因
以言賦之

物之小兮迎網而斃物之大兮兼網而逝網也者繩其小而不繩其大
吾不知爾身之危兮腹之饑兮吁

蝨賦

李商隱

亦氣而孕亦卵而成晨鷺露鶴不如其生汝職唯齧而不善齧
回臭而多跖香而絕

後虱賦 并序

陸龜蒙

余讀玉谿生虱賦有就顏避跖之嘆似未知虱作後虱賦以矯之
衣緇守白髮華守黑不為物遷是有恒德小人趨時必變顏色弃
瘠涵腴乃蝨之賊

蝨賦

李商隱

夜風索索緣隙憑壁弗聲弗鳴潛此毒螫厥虎不翅厥牛不
齒爾兮何功既角而尾

文粹卷第七

文粹卷第八

古賦

七首

古器

霜鍾賦 喬潭

吳興姚

鉉 箕

砭石賦 劉禹錫

物景

晚晴賦 杜牧

秋聲賦 劉禹錫

決疑

問大鈞賦 劉禹錫

何卜賦 劉禹錫

霜鍾賦 并序

喬潭

南陽豐山有九鍾焉霜降則鳴潭叨遇達奚公擢甲科然則南陽即公隱居之舊地為此賦以廣知音焉

曹丘山之峯巉岳積翠之石森爽冒寒之松上無飛鳥下無人蹤何杳杳以靜謐有天然之古鍾兩爨神資九乳靈化寧失制於侈揜豈遺音於穴榭每虛氣以自得常宿懸以警聳動於耳而藏於心必高秋之涼夜於是沈寥兮日暮而天晶簫瑟兮霜落而風清爽氣無朕潛來滿盈跳然復出鏗爾有聲信不擊而不考能大鳴而小鳴始則含啣擁鬱旋復充訕若往若還徘徊其間爾其舒肆奔

放長樂遠暢乍浮空以紆餘更觸物而瀏亮入林蕭蕭在水湯湯泛濫小瀨聯絲踈篁夜鶴怨兮彌苦寒猿悲兮更長餘韻春容隨風悠揚繞於洞庭浮於瀟湘梧楸紛以離披葭葭颯其蒼蒼及夫夜以艾兮彌靜山無人兮月冷初肅肅以自淒復琅琅而虛警其動愈出其來甚徐合於元化遊於太虛轉遠而盡誰知所如聊獨坐以傾聽惘若失乎躊躇聽不及想以存其餘方其寒氣曉集鏘然應急發越林巒周流井邑前聲未盡後韻相及羈臣之空館屢來思婦之高樓遠入無不俟然驚夢歛歛掩泣夫鍾之應霜也應以無心士之知己也貴知其音不敲而鳴者其聲遠不言而信者其分深故自然之聲無假於煩手特達之分不資於滕口吾欲徵華鍾喻良友懷音淵默藏器虛受可以適南陽待清霜之一扣系曰風籟起兮喧長薄霜鍾鳴兮動哀壑合大塊兮聲無作雖有聞兮常寂寞

歌器賦 并序

李德裕

癸丑歲余時在中樞丞相路公見遺歌器贈以古人之物永懷君子



之心嘗欲報以辭賦屬力少任重朝夕盡瘁固未暇於體物今者
公已歿世余又譴逐忽覩茲器慎然懷舊因追爲此賦置公之靈筵
昔周道既平既安且寧赫赫公旦配德阿衡謂難守者成難持者
盈始作茲器告于神明至仲尼憲文武之道思周公之德入太廟而
觀器見遺法而歎息且曰月滿而虧日盈則昃彼天道之常然欲
久盛而焉得乃沃水於器俯察要終挹彼注茲授之若冲虛則脆脆
似君子之困蒙中則端平如君子之中庸滿則傾跌霆流電發器
如堤隤水若河決非神鼎之自盈異衢樽之不竭蓋欲表人道之
隆替明百事之有節然茲器也不以中而自藏不以跌而自傷其過
也如彼薄蝕其更也浸彼輝光得其道者居則念於豐蔀動乃思
於謙受顏既復而不遠惠屢黜而何咎知任重之力及悟物盈之難
久雖神道之無形常慘然於前後昔與君子同秉國鈞公得之爲
賢相余失之爲放臣覩遺物而猶在懷舊好而悲平思欲克己以
復禮永報德於仁人

砭石賦 并序

劉禹錫

南方氣泄而雨淫地隱而傷物媪神噫濕淪色壞味雖金之堅亦
失恒性始余有佩刀甚良至是澁不可拔剖其室乃出迦陽眇眇
傅刃蒙脊鱗然如疖痂如黑子如青蠅之惡銳氣中錮猶人被
病然客有聞焉衷密石以遺予沃之草腹雜以鳥膏切劑下上
直質焯見躊躇四顧道爾謝容微子之貽幾喪吾寶客曰吾聞
諸梅福曰爵祿者天下之砭石也高皇帝所以礪世磨鈍有是耶
余退感其言作砭石賦

我有利金兮以利爲佩遭土卑而匿作雄銚爲之潛晦如景昏
而蝕既兮與肌漆而爲癘顧秋蓬之不可刺兮尚何遊乎醜解
之外利物蒙蔽材人惆悵俾百太之至精蟠一檢而多恚豈害氣
之獨然兮將久不試而然彼屠者之刀兮獵者之鋌不灌不群兮
糅錯銜鈔日鼓月揮兮割腴擊鮮貯燿燿以耀芒莠淫夷而騰
羶豈不以涉暑而蒙冷兮鼎用之而成妍有客自東遺余越砭圭
形石質蒼色膩理剡其鱗斂滑以滌瀦如衣澣垢如鼎出否霧
盡披天萍開見水拭寒焰以破背擊清音而振耳故態復還寶

心再起既賦形而終用一蒙垢焉何恥感利鈍之有時兮寄雄心於
瞪視嗟乎石以砥焉化鈍為利法以砥焉化愚為智武王得之商俗
以厚高帝得之傑材奔走得既有自失豈無因漢氏已還三光景分
隨道闕狹用之得人五百餘年唐風始振懸乎天砥以龍兆民播生
在天成器在君天為物君君為人天安有執礪世之具而患乎無賢歟

晚晴賦 并序

杜牧

秋日晚晴樊川子目于郊園見大者小者有狀類者故書賦云
雨晴秋容新沐兮忻遶園而細履面平地之清空兮紫閣青橫
遠來照水如高堂之上見羅幕兮垂乎鏡裏木勢黨伍兮行
者如迎偃者如醉高者如達佞者如跛松數十株切切交峙如冠劍
大臣國有急難庭立而議竹林外裏兮十萬丈夫甲刃披披密陣
而環侍豈負軍令之不敢囂兮何意氣之嚴毅復引舟于深灣
忽八九之紅艾姍姍如婦斂然如女墮蕊紫黥顏似見放棄白鷺潛來
兮邈風標之公子窺此美人兮如慕悅其容媚雜花差於岸側兮
絳綠黃紫格頑色賤兮或妾或婢間草甚多叢者束兮靡靡者
杳兮仰風獵日如立如笑兮千千萬萬之容兮不可得而狀也若
予者則謂何如倒冠落珮兮與世闊踈教教休休兮真徇其愚
而隱居者乎

秋聲賦 并序

劉禹錫

相國中山公賦秋聲以屬天官太常伯唱和俱絕皆得時道行之
餘興猶動光陰之歎况伊鬱老病者乎吟之斐然以寄孤憤
碧天如水兮窅窅悠悠百蟲迎暮兮萬葉吟秋欲辭林而蕭颯
潛命侶以啁啾送將歸兮臨水非吾土兮登樓晚枝多露蟬之思
夕草起寒蟄之愁至若松竹含韻梧楸早脫鶻綺跡之晚吹墜碧
砌之涼月念塞外之征行顧閨中之騷屑夜蛩鳴兮機杼促朝鴈叫
兮音書絕遠杵續兮何泠泠虛室靜兮空切切如吟如嘯非竹非絲
合自然之宮徵動終歲之別離廢井苔合荒園露滋草蒼蒼兮
人寂寂樹檝檝兮蟲伊伊則有安石風流巨源多可平六符而佐主
施九品而自我猶復感陰蟲之鳴軒歎涼葉之初墮異宋玉之悲傷
覺潘郎之么麼嗟乎騏伏櫪而已老鷹在韝而有情聆朔風而心

動眄天籟而神驚力將瘳兮足受紕猶奮迅于秋聲

問大鈞賦 并序

劉禹錫

始余失臺郎為刺史又貶州司馬俟罪朗州三見閏月人咸曰數之極理當遷焉因作謫九年賦以自廣是歲臘月詔追明年自闕下重領連山郡印綬咸曰美惡周必復第行無恤歲杪其復乎居五年不得調歲二月有事于社前一日致齋孤居慮靜滯念欬起伊人理之不可以曉也將質諸神乎謹貢誠馳精敢問大鈞其夕有遇寤而次第其辭以為賦

圓方相涵兮浩其無垠宵冥翕闢兮三辰以騰振孰主張是兮有
五其神迎隨不見兮強名之曰大鈞歆以臨下兮巍乎雄尊天為
獨陽高不可問工居其中與人差近身執其權心平其運循名想
像或可以評曰嘻蒙之未生其猶泥爾落乎埒埴唯鈞所指忽然
為人為幸大矣工賦其形七情與俱嗇智不授卑去之以愚坦坦之
衢萬人所趨蒙一布武化為畏途人或譽平之百說徒虛人或排之
半言有餘物壯則老乃唯其常否終則傾亦不可長老先期而驟至

兮否踰數而叵量雖一夫不獲兮亦大化之攸病謹薦誠上問兮倪
伏以聽是夕寐熟夢遊乎無何之鄉抗陛級乎重宵兮異人間之
景光中有威神巾金甲而焯煌命之使前兮其音琅琅曰吾大化
之一工也居上臨下無其不平汝今有辭吾一以聽播形肖貌生類
積億橐籥圖戶鎔鍊消息我之司智初不爾嗇不守以愚覆為
汝賊既賦汝形輔之聰明盍求世師資適攸宜胡然抗心遐想前烈
倚梯青冥舉足斯跌韜爾智斧無為自伐鑿竅太繁天和乃洩
利逕前誘多逢覆轍名腸內煎外火非熱今哀汝窮將厚汝愚
剔去剛健納之柔儒塞前竅之傷瘕兮招太和而與居貴以待人
兮急以自拘道存遂與無示四隅軌物之勢不作兮見傷之機自
無汝不善用吾焉嗇乎且夫貞而騰氣者臚臚健而垂精者昊昊
我居其中猶輪是蹈以不息為體以日新為道傑鱗盡走灌莽苞
阜乃牙乃甲乃殛乃剖陽榮陰悴生濡死葦各乘氣化不以意造
賦大運兮無有淑惡彼多方兮自生醜好爾奚不德余以驟壯姑
尤我以速老耶觀汝百為又或不然赤子哇哇急其能言亦既名物

幾時蹠蹠春耕其丘投種之日釋耒而歎何時實粟望所未至謂
余舒舒欲其久留謂我噤如我一子二誰之曲歟彼蒹葭之蒼蒼
兮霜霰苦而中堅松竹之皴皴索籜擗兮不若榭筍之可憐納材葦
而木明堂固容消而力完楊且之哲兮不可以常然當錫爾以老成蒼
眉皓髯山立時行去敵氣與矜色兮噤危言以端誠俾人望之侮黷
不生爾之所得孰與壯多不善處老問余而何授受而迴遽遽形
開嚮之威神孰爲來哉乃遽衣促盥端慮滌想委瑯位簪持簿
叩顙而言曰楚臣天問不訓今臣遇幸一獻三售始厚以愚終期以
壽忘上問之罪濯已然之咎心增故術腸飽新授馳神清立拜手稽首

何卜賦

劉禹錫

余旣幻惑力命之說兮身久放而愈疑心回穴其莫曉兮將取質夫東龜
楚人俗巫而好術兮叟有鬻卜而來思乃招而訊之曰嘻人莫不塞有
時而通伊我兮久而愈窮人莫不病有時而閒伊我兮久而滋蔓
吾聞人肖五行動止有則四時轉續變於所極一歲之早人斯具舟
三月之熱人斯具裘極必反焉其猶合符子首圓而足方子腹陰而

卷二

十三

劉老

背陽胡形象之有肖而變化之殊常經曰剝極則賁居賁而未嘗
剝者其誰否極受泰居否而未嘗泰者又其誰鶴胡不截鳧胡
不禪夔何罰而蹠蹠蛇何功而扶持紛紜恣睢交作舛馳似與似
奪似信似欺孰主張之問于子龜卜者曰招我以粗問我以微有
天下之是非有仁人之是非在此爲美兮在彼爲蚩或昔而成或今
而虧君問曷由主張其時時乎時乎去不可邀來不可逃淹兮孰
捨操董之毒豕苓雞首之賤毛各於其時而伯音霸其曹屠龍之
伎非曰不偉時無所用莫若履豨作俑之工非曰可珍時有所用貴
于斲輪絡首靡足兮驥不能跬前無所阻兮跛鼈千里同涉于
川其時在風俗者之吉汧者之凶同藝于野其時在澤伊種之利
乃糝之厄故曰是耶非耶主者時耶諒淑惡之同出兮顧所丁之
若何夫如是得非我美失非我恥其去曷思其來曷期姑蹈常而
俟之夫何卜爲言訖執龜而起予退而作何卜賦於是蹈道之心一
而俟時之志堅內視羣疑猶冰釋然

文粹卷第九

古賦王 惣十首

吳興姚

鉉

纂

修身

動靜交相養賦

白居易

哀樂愁思

懷忠賦 歐陽詹

泛涓賦 白居易

望賦 劉禹錫

惜餘春賦 李白

江上愁心賦 張說

別知賦 韓愈

愛而不見賦 蕭穎士

傷往賦 劉禹錫

夢

夢渴賦 何諷

動靜交相養賦 并序

白居易

居易常見今之立身從事者有失於動有失於靜斯由動靜俱不得其時與理也因述其所以然用自儆導命曰動靜交相養賦云

天地有常道萬物有常性道不可以終靜濟之以動性不可以終動濟之以靜養之則兩全而交利不養之則兩傷而交病故聖人取諸震以發身受以復而知命所以莊生曰智養恬易曰蒙養正者也吾觀天文其中有程日明則月晦日晦則月明明晦交養晝夜乃成吾

觀歲功其中有信陽進則陰退陽退則陰進進退交養寒暑乃順且躁者本於靜也斯則躁為民靜為君以民養君教化之根則動養靜之道斯存且有者生於無也斯則無為母有為子以母養子生成之理則靜養動之義明矣所以動之為用在氣為春在鳥為飛在舟為楫在弩為機不有動也靜將疇依所以靜之為用在蟲為蟄在水為止在門為鍵在輪為柅不有靜也動奚資始則知動兮靜所伏靜兮動所倚吾何以知交養之然哉以此有以見人之生於世出處相濟必有時而行非匏瓜不可以長繫人之善其身枉直相循必有時而屈故尺蠖不可以長伸嗟夫今之人知動之可以成功不知非其時動亦為凶知靜之可以立德不知非其理靜亦為賊大矣哉動靜之際聖人其難之先之則過時後之則不及時交養之間不容毫釐故老氏觀妙顏子知幾噫非二君子吾誰與歸

懷忠賦 并序

歐陽詹

丙寅歲因受譴季冬之月次于躬墟歷關龍逢墓焉昔聆其風未嘗不迴腸竇涕覩夫坐龍心又增傷遂寫憤于言為賦以弔先生



以忠諫致命故以懷忠命篇云

天生彼平兮用殲覆于夏家欲悠悠而罔極毒浩浩而無涯無辜殞身肆市朝之若莽有道併命委炮烙以如麻伊先生之諤諤為酷烈之所加嘗披圖於往載每廢卷以興嗟蕭條舊邑莽蒼空陂陷陵成坎古木無枝或人曰此其墓也又一倍以增悲嗚呼麟非騰噬之儔詎虎狼之共穴鳳實仁靈之類豈鷹鷂之同列惟玉石之明分亦薰蕕之自別是以蹇蹇心競昂昂面折彼炎炎之原燎信撲撲而不滅寧歸死以申懷不貪生而結舌痛矣哉古人有言輔人者天福善者神胡為是日功不如人使典章之不信俾忠義之空勤律中太呂日臨蒙谷風颼颼於衰草煙茫茫乎平陸思悽悽而填臆淚淫淫以盈目義則非其知友親故遠夫骨肉節臨危而不撓行於艱而彌篤惟其有之是以傷之而慟哭

泛渭賦

井序

白居易

右丞相高公之掌貢舉也予以鄉貢進士舉及第左丞相鄭公之領選部也予以書判拔萃登科十九年天子並命二公對掌鈞軸朝野無事人物甚安明年春予為校書郎始徙家秦中卜居渭上上樂時和歲稔萬物得其宜下樂名遂官閑一身得其所既美二公佐清靜之理又荷二公垂特達之遇發於嗟歎流為詠歌于時泛舟于渭因為泛渭賦以導其意辭曰

亭亭華山下有人政兮望兮愛彼三峯之白雲泛泛渭水上有舟公兮沂兮愛此百里之清流以我為太平之人兮得於斯而優游又感陽春之氣熙熙兮樂天和而不憂曰予生之幸兮時哉時哉當皇唐受命之九葉兮夷與華而無氛埃及皇帝繼位之二紀兮命高與鄭為鹽梅二賢兮爰立四門兮大開凡讀儒書與履儒行者率充賦而四來雖片藝而必收兮故不棄予之小才感再遇於知己心慙忤以徘徊登予名於太常署予職於蘭臺臺有蘭兮閣有芸芳菲菲兮可襲備一官而無事又不維而不繫家去省兮百里每三旬而一入川有渭兮山有華澹悠悠其可賞目白雲兮漱清流且或偃而或仰門去渭兮百步常一日而三往夜兮扣舷天無雲兮水無煙遲遲兮明月波淡灩兮棹寅緣日暮兮舟泊草萋

萋兮沙漠漢習習兮春風岸柳動兮渚花落發浩歌以長引舉濁
醪而緩酌春卉其將盡予何為乎不樂鳥樂兮雲際鳴嚶嚶兮
飛喬喬魚樂兮泉底鬢撥撥兮尾濺濺我樂兮聖代心融融兮
神泚泚伊萬物各得其樂者由聖賢之相契賢致聖於無為聖致
時於既濟疑為和兮聚五福發為春兮消六沴不我後兮不我先適
當我兮生之世彼鱗蟲與羽族咸知樂而不知惠我為人兮最靈所
以愧賢相而荷聖帝樂乎樂乎況于渭兮詠而歸聊逍遙以卒歲

望賦

劉禹錫

邈不語兮臨風境自外兮感從中明晦轉續兮八極鴻蒙上下交
氣兮羣生異容發孤照于寸眸驚遐情乎太空物乘化兮多象人
遇時兮不同嗟乎有目者必騁望以盡意當望者必緣情而感時
有待者瞿瞿忘懷者熙熙慮深者瞠然若喪樂極者冲然無違外
徙倚其如一中糾紛兮若斯望如何其望最樂晞慶霄兮遡阿閣
如雲兮天顏咫尺如草兮臣心踴躍肩交翟兮葳蕤旗升龍兮蠖
略日轉黃道天開碧落凝瑞景於庭樹掬非煙於殿幕望如何其望

卷二

十一

七

且歡登灞岸兮見長安紛擾擾兮紅塵合鬱鬱葱葱兮佳氣盤
池象漢兮昭回城依斗兮闌干避御史之驄馬逐倖臣之金丸望如何
其望彼好宗萬靈兮越四隩漢帝仙臺兮秦皇海嶠霓衣踴于
河上馬跡窮乎越微紫氣度關而斐疊神光屬天而照耀眇眷
眷以馳精聳專專而觀妙望如何其望有形視蠢蠢兮窮冥冥楚
塞氛惡兮蕭關燧明暈籠孤月角奮長庚沙多似雪磧有疑城
煙雲非女子之氣草木盡王者之兵審曳柴之虛警破來騎之先
聲信有得于風鳥示無言於旆旌望如何其望且慕恩意隔兮年
光鶩瑤輦已辭兮金屋何處長信草生兮長門日暮倏翠華之儻
來仰玄天以自訴况復湘水無還漳河空注淚染枝葉香餘紉素
風蕭蕭兮北渚波煙漠漠兮西陵樹夫不歸兮江上石子可見兮
秦原墓拍琴翻朔塞之音挾透指邯鄲之路望如何其望最傷佩
環玦兮思帝鄉龍門不見兮雲霧蒼蒼喬木何許兮山高水長春
之氣兮悅萬族獨含嘖兮千里目秋之景兮懸清光偏結憤兮九
回腸羨環拱于白榆惜馳暉于落棠諒衝斗兮誰見伊戴盆兮何

望觀豈止蘇武在胡管寧浮海送飛鴻之滅沒附陰火之光彩鶴
頸長引烏頭未改恨已極兮平原空起何時兮東山在永望如何傷
懷孔多降將有依風之感宮人成憶月之歌歌曰張衡側身愁思
以王粲登樓日迴首不作渭濱垂釣臣羞為洛陽拜塵友

惜餘春賦

李白

天之何為令北斗而知春兮迴指於東方水蕩流兮碧色蘭蕙凝兮
紅芳試登高而望遠極雲海之微茫魂一去兮欲斷淚流頰兮成行
吟青楓而詠滄浪懷洞庭兮悲瀟湘何餘心之縹緲兮與春風而
飄揚飄揚兮無限念佳期兮莫展平原萋兮綺色愛芳草兮如
翦惜餘春之將闌每為恨而不淺漢之曲兮江之潭把瑤草兮思
何堪想遊女於峴北愁帝子於湘南恨無極兮心氤氳目眇眇兮
憂紛紛披衛情於淇水結楚夢於陽雲春每歸兮花開已闌兮
春改歎長河之流春送馳波於東海春不留兮時已失老衰颯而情
逾在恨不得挂長繩於青天繫西飛之白日若有人兮情相親去南
國兮往西秦見遊絲之橫路網春輝以留人沉吟兮哀歌躑躅兮傷
別送行子之將遠看征鴻之稍滅醉愁心於垂楊隨柔條以糾結
望夫君兮興咨嗟橫涕淚兮怨春華遙寄影於明月送夫君於天涯

江上愁心賦

張說

江上之峻山兮鬱岿嶸音嶸嶸音嶸而不極雲為峯兮煙為色歛變態兮
心不識江上之深林兮杳冥蒙而巳鳥為花兮猿為子紛盪漾兮
言莫擬夏雲陰兮若山秋水平兮若天冬沙飛兮浙浙春草靡兮
芊芊感四節之默運知萬化之潛遷伴衆鳥兮寒渚望孤帆兮日
邊雖欲貫愁腸於巧筆紡離夢於哀絃是心也非模放之所逮將
有言兮是然將無言兮是然

別知賦

韓愈

予取友於天下將歲律之兩周下何深之不即上何高之不求紛擾
擾其既多或喜能而好修寧安顯而獨裕顧阨窮而共愁惟知心而
難得斯一旦而為仇歲癸未而遷逐旅蟲蛇於海陬遇夫人之來使
闕公館而羅羞索微言於亂志發孤笑於羣憂物何深而不考理
何隱而不抽始參差以異序卒爛漫而同流何此歡之不可恃遂駕

馬而迴轡山礧礧其相軋樹蒼蒼其相樛雨浪浪其不止雪浩浩其常浮知來之不可以數哀去此而無由倚郭郭而掩涕空盡日以遲留

愛而不見賦

蕭穎士

嗟乎或愛之而不見者有矣何必周秦異代夷夏殊軌阻嚴城之九重限方舟之一水苟時事之多怨故人遐而室邇關山起於足下堂上遠乎千里聳尊尊之目成遽時逝而復止詩人所以思婉變而搔首賦城隅之有俟吁不得其已也惟夙昔之良會夢佳期於北方歛渤海之三山吸流霞之景光含芳辭以貺予云好惠之不忘顧服義之永日陪遊嬉於帝鄉廣莫忽其飄怒鯨波洶而騰張俄驚魂以輟寐間窮髮之茫茫將揭厲以復從駛風濤之匪量顧投軀以靡吝撫遺體以兢惶晨切切以悽愴夕屏營以彷徨追前歡之俯邇歎此恨之攸長於是收神返慮澄澹靜默冥然就寢兀若無識翼良宵之復遇希舊遊之可即徒有顧兮且未克夏沉深兮萃宵臆風兮雨兮何極

傷往賦 并序

劉禹錫

人之所以取貴於蜚走者情也而誕者以遺情為智豈至言耶予授室九年而鰥痛若人之天闕弗遂也作賦以傷之翼夫覽者有以增伉儷之重云

歎獨處之邑邑兮憤伊人之我遺情可殺而猶毒境當歡而復悲人或朝歎而暮息夫何越月而踰時太極運乎三辰轉寒暑而下馳有歸於無兮盛復于衰猶昧爽之必暮又安得而怨咨我今怨夫若人兮曾旭旦而潛暉飄零日及之夢倏忽蟬蛸之衣川走下而不還露迎陽而易晞恩已甚兮難絕見無期兮永思我行其野農民桑者舉桮來盃亦在林下我觀于途禪販之夫同荷均挈荆釵布襦羽毛之蕃鱗介之微和鳴灌叢雙泳漣漪晝晝者蟲蠢蠢伊豸遊空穴深兩兩相比何動類之萬殊必雄雌而與俱物莫失儷以孤處我方踽踽而焉如我復虛室目淒涼兮心伊鬱心伊鬱兮將語誰坐牀兮撫嬰兒何所丐沐兮何從仰飴襦袴在身兮昔圍差跌屨囊附臂兮餘馥葳蕤誠天性之潛感顧童心兮如疑曉然有難繼之慕漠然滅好弄之姿指遺桂兮能認愬空帷兮欲歸我入寢宮痛人亡

兮物改其容寶瑟僵兮絃柱絕瑤臺傾兮鏡奩空寒爐委灰虛幌多
風隙駟晨轉窻蟾夜通步搖昏兮網粘翡翠芳褥掩兮塵化蛩蛩
閱刀尺之餘澤見巾箱之故封翫服儼兮猶具繁華謝兮焉從想翻
翻於是非求僊宰與冥蒙信奇術之可致嗟生此兮不逢徒注視以
寂聽悅神疲而目窮還抱影以獨出紛百哀而攻中系曰龍門風霜
苦別鶴哀鳴夜銜羽吳江波浪深雌劍一去無遺音悲之來兮憤予
心洶如行波游浸淫悵緣情而莫極思執禮以自箴已焉哉莽莽生
死悠悠古今乘彼一氣兮聚散相尋或鼓而興或罷而沉以無涯之
情愛悼不駐之光陰諒自迷其有分徒終怨於匪忱彼蒙莊兮何
人予獨累歎而長吟

夢渴賦

何諷

不宿食以晨飲困鍾盃以沉寢永春晝而高肩墮幅巾而橫枕及
乎酒適衷腸神遊異方煙生喉舌愴然如狂爰瞰甃以窺汲諒不
任於呼吸俄據河而俯瀆乃器舟而杯斛倒魚鼈之窟宅見蛟龍之
委伏猶胃腸之不浹資宴飲而未足由是奔九江走五湖手不暇於幹
運心不息於躊躇見波漸竭而百川如綫岸益高而底淤將枯腹慊
爾而未覺肺燥然而不濡尋至大溟茫然連清豈爾浩瀚而吾量
不盈斟酌未幾條見涯涘百靈稽首乞留濡旣吾腹未充豈汝爲
意俄傾竭於浩渺奄滴瀝而無漬瑤宮貝闕盡列平地三山赤城可
以步至鯤鯨唼喁相吻以咽大鵬驚攫巨鼇愕眙四顧燥涸悒然興
情此情何奇非吾所知恨滄海之可罄不足充吾之所思周遭有截
塊然帶塊水府萬族咸呼帝闕焉且不聞吾欲未竭方將尋蟻垤
期歌恭問姜母以何在訪舒姑而欲從辨夸父於渭上弔相如於臨
邛萬計已盡六腑如燼窻日斜照飛蚊遶鬢旣驚旣覺可歎可
笑飲不盡器枯腸已瘵搯頤沉吟其意逾深以吾此日之一夢見自
古不足者之心

文粹卷第九





卷第十

古調一 惣一百四十五首

吳興姚

鉉

纂

古今樂章 琴操附

補樂歌十篇 元結

補九夏歌系文九篇 皮日休

今樂章

冬至日祀昊天圓丘樂章八首 魏徵等

開元樂章十九首 張說

玄宗開元十三年封泰山祀天樂章十二首 張說

正月上辛祈穀於南郊樂章三首 褚亮

季秋享上帝於明堂樂章一首 褚亮

祀五方上帝于五郊樂章二十首 魏徵等

祀朝日樂章三首 貞觀中 祀夕月樂章三首 貞觀中

睿宗太極元年登黃地祇於方丘樂章十一首 盧從愿等

玄宗開元十三年禪社首山祭地祇樂章八首 賀知章

登太社樂章三首 魏徵等 享龍池樂章十首 姚崇等

享太廟樂章五首 郭子儀等 儀坤廟樂章九首 徐彥伯等

琴操十首 韓愈

補樂歌十篇 并序

元結

自伏羲氏至於殷室凡十代樂歌有其名亡其辭考之傳記其義或存焉嗚呼樂聲自太古始百世之後盡亡古音嗚呼樂歌自太古始百世之後遂亡古辭今國家追復純古列祀往帝歲時薦享則必作樂而無雲門咸池韶夏之聲故探其名義以補之誠不足全化金石反正宮羽而或存之猶乙乙冥冥有純古之聲豈幾乎司樂君子導和焉爾凡十篇二十章各引其義以序之命曰補樂歌

右網罟二章章四句

豐年神農之樂歌也其義蓋稱神農教人種植之功
猗太帝兮其智如神兮草實兮濟我生人猗太帝兮其功如天
均四時兮成我豐年

右豐年二章章四句

雲門軒轅氏之樂歌也其義蓋言雲之出潤益萬物如帝之德無所不施

玄雲溶溶兮垂雨濛濛類我聖澤兮涵濡不窮黃雲漠漠兮含映逾光邈我聖德兮溥被無方

右雲門二章章四句

九淵少昊氏之樂歌也其義蓋稱少昊之德淵然深遠聖德至深兮齋齋如淵生類娛娛兮孰知其然娛許其反

右九淵一章四句

五莖顓頊氏之樂歌也其義蓋稱顓頊得五德之根莖房戎切植植萬物兮脩脩根莖五德涵柔兮颯颯房戎切而生其如何兮穉穉房戎切天下皆自我君兮化成

右五莖一章七句

六英高辛氏之樂歌也其義蓋稱帝嚳能摠六合之英華我有金石兮擊拊琮琤與汝歌舞兮上帝之風由六合兮英華颯颯

右六英二章章六句

咸池陶唐氏之樂歌也其義蓋稱堯德至大無不備全元化油油兮孰知其然至德汨汨姑沒切兮順之以先元化泥泥尾兮孰知其然至道泱泱兮由之以全

右咸池二章章四句

大韶有虞氏之樂歌也其義蓋稱帝舜能紹先聖之德森森羣象兮日見生成欲聞朕初兮玄封冥冥洋洋至化兮日見深柔欲聞涵濩兮大淵油油

右大韶二章章四句

大夏有夏氏之樂歌也其義蓋稱禹治水其功能大中國茫茫下土兮乃生九州山有長岑兮川有深流茫茫下土兮乃均四方國有民人兮野有封疆茫茫下土兮乃歌萬年上有茂功兮

下戴仁天

右大夏三章章四句

大護有殷氏之樂歌也其義蓋稱湯救天下護然得所
萬姓苦兮怨且哭不有聖人兮誰護育聖人生兮天下和萬物熙
熙兮舞且歌

右大護二章章四句

補九夏歌系文九篇 并序

皮日休

周禮鍾師掌金奏九樂事以鍾鼓奏九夏按鄭康成注云夏者大也
樂之大者歌有九也九夏者皆詩篇銘頌之類也此歌之大者載在
乎樂章樂崩亦從而亡是以頌不能具也嗚呼吾觀之魯頌其古也
亦以久矣九夏亡者吾能頌乎夫大樂既去至音不嗣頌於古不足
以補亡頌於今不足以入用庸何頌乎頌之亡者俾千古之下鄭衛
之內窈窕冥冥不獨有大卷音奉黃之音者乎

王夏之歌者王出入之所奏也

燿燿皎日欵麗于天厥明御舒如王出焉燿燿皎日欵入于地厥
晦厥貞如王入焉出有龍旂入有珩珮勿馳勿馳惟慎惟戒出有嘉
謀入有內則繫彼臣庶欵王之式

王夏四章章四句

肆夏之歌者尸出入之所奏也

悒悒清廟儀儀袞服我尸出矣迎神之穀杳杳陰竹坎坎路鼓
我尸入矣得神之祐

肆夏二章章四句

昭夏之歌者牲出入之所奏也

有鬱其鬯有儼其彝九變未作全乘來之既醑既酢爰轉音肩爰
舞象物既降全乘之去

昭夏二章章四句

納夏之歌者四方賓客來之所奏也

麟之儀儀不繫不維樂德而至如賓之娛鳳之愉愉不笙不箛樂
德而至如賓之娛自篴及管我有牢醑自篴及篴我有貨幣我牢
不愆我貨不匱碩碩其才有樂而止

納夏四章章四句

章夏之歌者臣有功之所奏也

王有虎臣錫之鈇鉞征彼不德一撲而滅王有虎臣錫之圭瓚征彼不享一烘而泮王有掌封道音道爾疆理王有掌客饋爾饗餼何以樂之金石九奏何以賜之龍旂九旒去聲

章夏四章章四句

齊夏之歌者夫人祭之所奏也

璫璫衡筭翬翬榆翟自內而祭為君之則

齊夏一章章四句

族夏之歌者族人酌之所奏也

洪源誰孕疏為江河大塊孰挺播為山阿厥涑浩澆厥勢嵯峨今君之酌慰我實多

族夏二章章四句

祓夏之歌者賓出之所奏也

禮酒既酌嘉賓既厚饋為之奏禮酒既竭嘉賓既悅應為之節禮酒既罄嘉賓既醒雅為之行饋應雅三樂器也賓醉而奏祓夏以此三器

築地為之行事也

一

廿三

何全

祓夏三章章三句

鵞夏之歌者公出入所奏也

相相其珪衮衮其衣出作二伯天子是毗相相其珪衮衮其服入作三孤國人是福

鵞夏二章章四句

冬至日祀旻天圓丘樂章八首

魏徵褚亮虞世南等作

降神用豫和

上靈睠命膺會昌盛德殷薦叶辰良景福降兮聖德遠玄化穆兮天歷長

皇帝行用太和

穆穆我后道應千齡登三處大得一居貞禮惟崇德樂以和聲百神仰止天下文明

登歌奠玉帛用肅和

闔陽播氣甄曜垂明有赫圓宰深仁曲成日麗蒼壁煙開紫營聿遵虔享式降鴻禎

迎俎用雍和

欽惟大帝載仰皇穹始命田燭爰啓郊宮雲門駭聽雷鼓鳴空
袖共介祀景祚斯融

酌獻飲福用壽和

八音斯奏三獻畢陳寶祚惟永輝光日新

送文舞出迎武舞入用舒和

壘壁凝影皇壇路編珠流彩帝郊前已奏皇鍾歌大呂還符寶

歷祚昌年

武舞作用凱安

昔在炎運終中華亂無象艷郊赤烏見邛山黑雲上大賚下周
車禁暴開躬網幽明同叶贊鼎祚齊天壤

送神用豫和

歌奏畢兮禮獻終六龍馭兮神將昇明德感兮非黍稷降福簡

兮祚休徵

開元樂章十九首

張說

肅九室

諧八音

歌皇慕

動神心

禮宿設

樂妙尋

聲明格

裸奠臨

律逐氣

音入玄

依玉几

御黼筵

聆愾息

優周旋

九韶遍

百福傳

信工祝

永頌聲

來祖考

聽和平

相百辟

貢九瀛

神休委

帝孝成

皇帝行太和之樂一章

時文聖后

清廟肅雍

致誠勤孝

在貌思恭

玉節四夏

金鏘五鍾

繩繩雲步

穆穆天容

酌瓚登歌肅和之樂一章

天子孝享

工歌溥將

躬裸鬱鬯

乃藝菁薌

臭以達陰

聲以求陽

奉時蒸嘗

永代不忘

迎俎雍和之樂二章

在滌嘉豢

麗碑斝牲

角握之牡

色純之駢

火傳陽燧

水漑陰精

太公胖俎

傅說和羹

齊戒豐潔 俎豆有馨 亦有和美 既戒既平 鼓鍾管磬
肅唱和鳴 皇皇后祖 來我思成

酌獻用文舞一章

聖謨九德 真言五千 慶集昌胤 符開帝先 高文仗鉞
克配彼天 三宗握鏡 六合煥然 帝其承祀 率禮罔愆
圖書霧出 日月清懸 舞形德類 詠諭功傳 黃龍蜿蜒
綵雲躡躑 五行氣順 八佾風宣 介此百福 於皇萬年
宣皇帝室光大之舞一章

肅肅藝祖 滔滔濬源 有雄玉劔 作鎮金門 文王餘緒
后稷謀孫 肇禋九廟 四海來尊

光皇帝室長發之舞一章

具禮崇德 備樂承風 魏推幢主 周贈司空 不行而至
無成有終 神與王業 天歸帝功

景皇帝室大政之舞一章

於赫元命 權輿帝文 天齊八柱 地半三分 宗廟觀德
笙鏞樂勳 封唐之兆 成天下君

元皇帝室大成之舞一章

帝舞季歷 襲聖生昌 后歌有媧 胎炎孕皇 天地合德
日月齊光 肅雍孝享 祚我萬方

高祖神堯皇帝室大明之舞一章

赤精亂德 四海困窮 黃旗舉義 三靈會同 早望春雨
雲披大風 溥天來祭 高祖之功

太宗文武聖皇帝室崇德之舞一章

皇合一德 廟宗百神 削平天下 大拯生民 上帝配食
單于入臣 戎歌陣舞 曄曄震震

高宗天皇大帝室鈞天之舞一章

高皇邁道 端拱無為 化懷獯鬻 兵戢句驪 禮尊封禪
樂盛來儀 合位媧后 同稱伏羲

中宗孝和皇帝室文和之舞一章

退居江水 鬱起丹陵 禮物還舊 朝典中興 龍圖反及

駿命恭膺 鳴球香瓚 大禧是承

睿宗大聖真皇帝室景雲之舞一章

景雲霏爛 告我帝符 噫帝冲德 與天為徒 笙鏞遙遠 俎豆虛無 春秋孝獻 因復此都

皇帝受福酒酢福和之樂一章

備禮用樂 崇親致尊 誠通慈降 敬徹愛存 獻懷稱壽 啐感承恩 皇帝孝德 子孫千億 大包天域 長亘不極

送文舞迎武舞一章

六鍾翕協六變成 八佾倘佯八風生 樂九韶兮人神感 美七德兮天地清

亞終獻武舞凱安之樂四章

毖彼瑤爵 亞維上公 室如屏氣 門不容躬 禮殷其本 樂執其中 聖皇所慕 天地幽通

禮幣三獻 樂變九成 降循軒陛 仰歆皇情 福與仁合

德因孝明 百年神畏 四海風行

總總干戚 填填鼓鍾 奮揚增氣 坐作為容 離若執鳥

合如戰龍 萬方觀德 肅肅雍雍

烈祖順三靈 文宗威四海 黃鉞誅羣盜 朱旗掃多罪 戢兵天下安 約法人心改 大哉干羽意 長見風雲在

擲豆登歌一章

止笙磬 撤豆籩 靡無響 宵又玄 主在室 神在天 情餘慕 禮罔愆 嘉黍稷 屢豐年

送神一章

眇嘉樂 援靈爽 感若來 思如往 休氣息 迴風上 返寂寞 還惚恍 懷虛駕 結空想

玄宗開元十三年封泰山祀天樂章一十二首 張說

降神用豫和六變 夾鍾宮之一

欵泰壇柴泰清受天命報天成竦皇心薦樂聲志上達歆下迎

夾鍾宮之二

億上帝臨下庭騎日月陪列星嘉視信大禧馨澹神心醉皇靈

夾鍾宮之三

相百辟貢八荒九歌敘萬舞翔肅振振鏘皇皇帝欣欣福穰穰

黃鍾宮之四

高在上道光明物資始德難名承眷命牧蒼生寰宇謐太階平

太簇徵之五

天道無親至誠與鄰山川遍禮宮徵惟新玉帛非盛聰明會具

正斯一德通乎百神

姑洗羽之六

饗帝饗親維孝維聖緝熙懿德敷揚成命華夷志同笙鏞

禮盛明靈降止感此誠敬

迎送皇帝用太和

孝敬中發和容外彰騰華照寓如昇太陽貞璧就奠玄靈垂光

禮樂具舉濟濟洋洋

登歌奠玉帛用肅和 羽調

奠祖配天承天享帝百靈咸秩四海來祭植我蒼璧布我玄製華

日徘徊神煙容商

迎俎入用雍和

俎豆有祕絜粢豐盛亦有和羹既戒既平設鍾管磬肅唱和明

皇皇后祖來我思成

酌獻用壽和

蒸蒸我后享獻惟寅躬酌鬱鬯跪奠羽神孝莫孝乎配上帝

於親敬莫敬乎教天下為臣

皇帝飲福酒用壽和

皇祖嚴配享皇天皇降嘏天子萬年

送文舞出迎武舞入用舒和 商調

六鍾合協六變成八佾倘佯八風生樂九韶兮人神感美七德兮

天地清

送神用豫和 夾鍾宮調

禮樂終 禋燎上 懷靈惠 結皇想 歸風莊 迴天爽

百福來 眾神往

正月上辛祈穀於南郊樂章三首

褚亮

登歌奠玉帛用肅和

履艮斯繩居中體正龍運垂祉昭符啓聖式事嚴禋聿懷嘉慶惟帝永錫時皇休命

迎俎用雍和

殷薦乘春太壇臨曙八簋盈和六瑚登御嘉稷匪歆德馨斯飫祝嘏無易靈心有豫

送文舞出迎武舞入用舒和

玉帛犧牲申敬享金絲戚羽盛音容庶俾億齡提景福長欣萬寓洽時邕

季秋享上帝於明堂樂章一首

褚亮

送文舞出迎武舞入用舒和

御展合宮承寶歷席圓重館奉明靈偃武修文九圍泰沉烽靜柝八荒寧

祀五方上帝于五郊樂章二十首

魏徵褚亮虞世南等作

祀黃帝降神宮音

黃中正位含章居貞既長六律兼和五聲畢陳萬舞乃薦斯牲神其下降永祥休平

登歌奠玉帛用肅和

眇眇方輿蒼蒼圓蓋至哉樞紐宅中圖大氣調四序風和萬籟祚我明德時雍道泰

迎俎用雍和

金縣夕肆玉俎朝陳饗薦黃道芬流紫辰迺誠迺敬載享載禋崇祀斯在惟皇是賓

送文舞出迎武舞入用舒和

御徵乘宮出郊甸安歌率舞遞將迎自有雲門符帝賞猶持雷鼓答天成

祀青帝降神用角音

鶴雲且起鳥星昏集候啓新風陽開初輶至德可饗行潦斯挹錫以無疆蒸人乃粒

登歌奠玉帛用肅和

玄鳥司春蒼龍登歲節物變柳光風轉蕙瑤席降神朱絃饗
帝誠備祝嘏禮殫珪幣

迎俎用雍和

大樂希音至誠簡禮文物斯建聲明濟濟六變有成三登無體
迺眷豐索恩覃愷悌

送文舞出迎武舞入用舒和

笙歌籥舞屬年韶鷺鼓鳧鍾展時豫調露初迎綺春節丞
雲遽踐蒼霄馭

祀赤帝降神用徵音

青陽告謝朱明戒序咸長是祈劬陳椒醕博碩斯薦笙鏞備舉
庶盡肅恭非馨稷黍

登歌奠玉帛用肅和

離位克明火中宵見峯雲暮起景風晨扇木槿初榮含桃可薦
芬馥百品鏘洋三變

迎俎用雍和

昭昭丹陸弈弈炎方禮陳牲幣樂備篚簋黃瓊羞溢俎玉齊浮
觴恭惟正直歆此馨香

送文舞出迎武舞入用舒和

千里溫風飄絳羽十枚炎景勝朱干陳觴薦俎歌三獻拊石撝
金會七盤

祀白帝降神用商音

白藏應節天高氣清歲功既阜庶類收成萬方靜謐九土和平
馨香是薦受胙聰明

登歌奠玉帛用肅和

金行在節素靈居正氣肅霜嚴林凋草勁犴祭隼擊潦收川鏡
九穀已登千箱流詠

迎俎用雍和

律應西成氣躔南呂珪幣咸列笙竽備舉苾苾蘭羞芬芬桂醕
式資宴貺用調霜序

送文舞出迎武舞入用舒和
璿儀氣爽驚緹籥玉呂灰飛含素商鳴鞀奏管芳羞薦會舞
安歌葆眊揚

祝黑帝降神用羽音

嚴冬季月星迴風厲享祀報功方祈來歲

登歌奠玉帛用舒和

律周玉琯星迴金度次極陽烏紀窮陰兔火林霰雪湯泉凝冱
八蜡已登三農息務

迎俎用雍和

陽月斯紀應鍾在候載潔牲牲爰登俎豆既高既遠無聲無臭
靜言格思惟神保祐

送文舞出迎武舞入用舒和

執籥持羽初終曲朱干玉戚始分行七德九功咸已暢明靈降福
具穰穰

祀朝日樂章三首

貞觀中作

登歌奠玉帛用肅和

惟聖格天惟明饗日帝郊肆類王宮戒吉珪奠春舒鍾歌曉溢
禮云克備斯文有秩

迎神用雍和

晨儀式薦明祀惟光神物爰止靈暉載陽玄端肅事紫幄興祥
福履攸假於昭令王

送文舞出迎武舞入用舒和

崇牙樹羽延調露旋宮扣律掩承雲誕敷懿德昭神武載集豐
功表春文

祀夕月樂章三首

貞觀中作

登歌奠玉帛用舒和

測妙為神通徬日聖坎祀貽則郊禋展劘璧薦登光金歌動映以
載嘉德以流曾慶

迎俎用雍和

肅晨爭舉天宗禮闕夜典涼秋陰明湛夕有齊斯旨有牲斯碩

穆穆其暉穰穰是積

送文舞出迎武舞入用豫和

合吹八風金奏動分容萬舞玉鞘驚辭昭茂典光前烈夕曜成功
表舊明

睿宗太極元年登黃地祇於方丘樂章一十一首

林鍾商

大樂和暢躬薦明神一降通感八變必臻有求斯應無德不親
降靈醉止休徵萬人

太簇角

盧從愿

坤元載物陽樂發生播殖資始品彙咸亨別俎棊布方壇砥平
神歆禋祝后德惟明

沾洗徵

劉冕

大君出震有事郊禋齋戒既肅馨香畢陳樂和禮備儀暖風
春恭惟降福實賴明神

南呂羽

韓休

於穆濬哲維清緝熙肅事昭配永言孝思滌濯靜嘉馨香在
茲神之聽之用受福釐

皇帝行用太和 黃鍾宮

王峻

於穆聖皇六葉重光太原刻頌后土疏場寶鼎呈符歆雲孕祥
禮樂備矣降福穰穰

登歌奠玉帛用肅和

蕤賓均之夾鍾羽

崔立同

聿修嚴配展事禋宗祥符寶鼎禮備黃琮祝辭以信明德惟聰
介茲景福永永無窮

登俎用雍和

黃鍾均之南宮羽

賈曾

蠲我漸穡潔我粢薌有豆孔碩為羞既臧至誠無昧精意惟
芳神其醉止欣欣樂康

酌獻飲福用壽和

禮物斯具樂章乃陳誰其作主皇考聖真對越在天聖明佐神
宥然汾上厚澤如春

送文舞出迎武舞入用舒和 太簇宮

何鸞

樂奏云闕禮章載虔禋宗于地昭嘏于天惟馨薦矣既醉歆焉神之降福永永萬年

武舞用凱安

黃鍾均之林鍾徵

蔣挺

維歲之吉維辰之良聖君紱冕肅事壇場大禮已備大樂斯張神其醉止降福無疆

送神用順和

源光裕

方丘既膳嘉饗載謚齋敬畢誠陶匏貴質秀簋豐豆薦芳俎盈實永永福流其昇如日

玄宗開元十三年禪社首山祭地祇樂章八首

賀知章

迎神用順和

至哉合柔德萬物資以生恒順稱厚載流謙通變盈聖心事能察增廣陳厥誠黃祇僂如在泰折俟咸亨

皇帝行用太和

肅我成命於昭黃祇裘冕而祀陟降在斯五音克備八變聿施緝熙肆靖厥心匪離

登歌奠玉帛用肅和

黃祇是祗我其夙夜寅畏誠潔匪遑寧舍禮以琮玉薦厥茅藉念茲降康胡寧克暇

迎俎用雍和

夙夜宥密不敢寧宴五齊既陳八音在縣粢盛以潔房俎斯薦明德惟馨尚茲克徧

皇帝初獻用壽和

惟以明發有懷載殷樂盈而反禮順其禋立清以獻薦欲是親於穆不已哀對斯臻

皇帝飲福用福和

穆穆天子告成岱宗大裘如濡執珽有顯樂以平志禮以和容上帝臨我云胡肅豈

皇帝還宮用太和

昭昭有唐天卑萬國列祖應命四宗順則申錫無疆宗我同德曾孫繼緒享神配極

送神用靈具醉

代順和

源乾曜

靈具醉杳熙熙靈將往眇禔禔顧明德吐正辭爛遺光流禎祺

登太社樂章三首

魏徵褚亮虞世南等作

登歌奠玉帛用肅和

后土凝德神功叶契九域应平兩儀交際戊期應序陰墉展幣靈車少留俯歆樽桂

迎俎用雍和

美報崇本嚴恭展事受露流壇承風啓地潔粢登俎醇犧入饋介福遠流羣生畢遂

送文舞出迎武舞入用舒和

神道發生敷九稼陰陽乘仁暢八埏緯武經文陶景化登祥薦祉啓豐年

享龍池樂章十首

姚崇

第一章

恭聞帝里生靈祉應報明君鼎業新既叶翠泉光寶命還符白水出真人當時舜海潛龍躍此日堯河帶馬巡獨有前池小

廿三

徐用

鴈叨承舊惠入天津

第二章

帝宅王家大道邊神馬潛龍涌聖泉昔日昔時經此地看來看去漸成川歌臺舞榭宜正月柳岸梅洲勝往年莫疑波上春雲少祇爲龍飛直上天

第三章

沈佺期

龍池躍龍龍已飛龍德光天天不違池開天漢分皇道龍向天門入紫微邳第樓臺多氣色君王鳧鴈有光輝爲報寰中百川水來朝上地莫東歸

第四章

代邳東南龍或躍泉清碧浪遠浮天樓臺影就波中出日月光疑鏡裏懸鴈沼迴流成舜海龜書薦祉應堯年大川旣濟慙爲楫報德空思奉細涓

第五章

姜皎

龍池初此出龍山常經此地謁龍顏日日芙蓉生夏水年年楊柳

變春灣堯壇寶匣餘煙霧舜海漁舟尚往還願以飄飄五色影從來從去九天閒

第六章

龍興白水漢興符聖主時乘運斗樞岸上葦葑五花樹波中的
樂千金珠慘環昔聞迎夏啓發匣先來瑞有虞風色雲光隨隱
見赤雲神化象江湖

第七章

蘇頌

西京鳳邛躍龍泉佳氣休光鍾在天軒后霧圓今已得秦王水
劍昔當傳恩魚不似昆明釣瑞鶴長如太液仙願侍巡遊同舊
里更聞蕭鼓濟樓船

第八章

李乂

星分邑里四人居水游源流萬頃餘魏國君王秤象處晉家蕃邛
化龍初青蒲似騁遊梁馬綠藻疑游宴鎬魚自竹神靈滋液地
年年雲物史官書

第九章

姜晞

靈沼榮迴邛第前浴日涵春寫曙天始見龍臺昇鳳闕應如
霄漢起神泉石匱渚傍還啓聖桃李初生更有仙欲化帝圖從
此受正同河變一千年

第十章

乾坤啓聖吐龍泉泉水年年勝一年始看魚躍方成海即覩龍
飛利在天洲渚遙將銀漢接樓臺直與紫微連休氣榮光恒不散
懸知此地是神仙

享太廟樂章五首

玄宗至道大聖大明孝皇帝室奠獻用廣運之舞一章

郭子儀

於赫皇祖昭明有融惟文之德惟武之功河海靜謐車書混同
虔恭孝饗穆穆玄風

肅宗文明武德大聖大宣孝皇帝室奠獻用惟新之

舞一章

劉晏

漢運惟永神功中興風駟氛稜天覆黎蒸三光再朗庶績其凝重

熙累葉景命是膺

代宗睿文孝武皇帝室奠獻用保大之舞一章

郭子儀

於穆文考聖神昭彰蕭勺羣慝含光遠方萬物茂遂九夷賓王
悃悃雲韶德音不忘

德宗神武孝文皇帝室奠獻用文明之舞一章鄭絪

於穆時文受天明命允恭玄默化成理定出震嗣德應乾傳聖猗
歎緝熙千億流慶

憲宗聖神章武孝皇帝室奠獻用象之舞一章段文昌

肅肅清廟登顯至德澤周八荒兵定四極生物咸遂羣盜滅息明
聖繼承子孫千億

儀坤廟樂章九首

迎神用永和 林鍾宮

徐彥伯

猗若清廟肅肅熒熒災國薦嚴祀坤興淑靈有凡在室有樂在
庭臨茲孝享百祿惟寧

皇帝行用太和 黃鍾宮

丘悅

孝哉我后冲乎迺聖道映重華德輝文命慕深視篋情躬撫
鏡萬國移風兆人承七慶

酌獻登歌用蕭和 中呂均之太蔟

張齊賢

標圭既濯鬱鬱既陳畫帟雲舉黃流土醇儀充獻酌禮盛衆
裡地察惟孝愉焉饗親

迎俎用雍和 林鍾宮

薛稷

陽靈配德陰魄昭外堯壇鳳下漢室龍興倪天作對前旒是凝
化行南國道盛西陵造舟集灌無德而稱我菜既潔我醴既澄
陰陽靈廟光靈若憑德馨惟饗孝思蒸蒸

昭成皇后室酌用坤貞

乾道既亨坤元以貞肅雍攸在輔佐斯成外睦九族內光一庭克
生敬哲祈我休欽若微範悠哉淑靈建茲清宮于彼上京縮
茅以獻潔秬惟馨實受其福期乎億齡

飲福酒用壽和 黃鍾宮

徐堅

於穆清廟肅雍嚴祀合福受釐介以繁祉

送文舞出迎武舞入用舒和

胡雄

送文迎武遞參差一始一終光聖儀四海生人歌有慶千齡孝子身
肅無虧

撤俎用雍和

蕤賓均之夾鍾

貞半千

孝享云畢維撤有章雲感玄羽風悽素商瞻望神座祇戀匪遑
禮終樂闋肅雍鏘鏘

送神 林鍾商

祝欽明

闕宮實實清廟微微降格無象馨香有依式昭纂慶方融嗣
徽明禋是享神保聿歸

琴操十首

韓愈

將歸操

秋之水兮其色幽幽我將濟兮不得其由涉其淺兮石齧我足
乘其深兮龍入我舟我濟而悔兮將安歸乎歸乎無與石鬪
兮無應龍求

猗蘭操

蘭之猗猗揚揚其香不採而佩於蘭何傷今天之旋其曷為然
我行四方以日以年雪霜質質薺麥之茂子如不傷我不爾覩
薺麥之茂薺麥之有君子之傷君子之守

龜山操

龜之氣兮不能為雨龜之拊兮不中梁柱龜之大兮祇以查魯
知將墮兮哀莫予伍周公有鬼兮嗟歸子輔

越裳操

雨之施物以孳我何意於彼為自周之先其艱其勤以有疆宇私
我後人我祖在上四方在下厥臨孔威敢戲以侮孰菜于門孰治
于田四海既均越裳是臣

拘幽操

窈揜揜兮其疑其盲耳肅肅兮聽不聞聲朝不日出兮夜不見
月與星有知無知兮為死為生嗚呼臣罪當誅兮天王聖明

岐山操

我幽于家自我先公伊我承序敢有不同今狄之人將土我疆民
爲我戰誰使死傷彼岐有咀我往獨處莫爾予追無思我悲

履霜操

父兮兒寒母兮兒飢兒罪當答逐兒何爲兒在中野以宿以處四
無人聲誰與兒語兒寒何衣兒飢何食兒行于野履霜以足母生
衆兒有母憐之獨無母憐母寧不悲

雉朝飛操

雉之飛于朝日羣雌孤雄意氣橫出當東而西當啄而飛隨飛隨
啄羣雌粥粥嗟我雖人曾不如彼雉雞生身七十年無一妾與妃

別鵠操

雄鵠銜枝來雌鵠啄泥歸巢成不生子大義當乖離江漢水之
大鵠身鳥之微更無相逢日且可相隨飛

殘形操

有獸維狸兮我夢得之其身孔明兮而頭不知吉凶何爲兮與兒
坐而思巫咸上天兮識者其誰

文粹卷第十



吳興姚

鉉

纂

楚騷

九諷

反招魂

悼賈

皮日休

多古

江有楓一篇

菊榮五章

有竹一篇

蕭穎士

蟬鳴五章

宋華

涼雨一篇

蕭穎士

虞獲子鹿一篇

韋應物

上古之什補亡訓傳十三章

顧況

倬彼我系一首

王勃

元和聖德詩一首 鄆州谿堂詩一首

韓愈

漢隄詩一首

盧肇

有所恨二章

歐陽詹

水悠悠二章

韓愈

九諷系述

并序

皮日休

昔在屈平既放作離騷經正詭俗而為九歌辨窮愁而為九章是後詞人撫而為之皆所以嗜其麗詞擲其逸藻者也至若宋王之九辨王褒之九懷劉向之九歎王逸之九思其為清怨素澁幽快占秀皆得芝蘭之芬芳鸞鳳之毛羽也然自原已降而作者皆相去數百祀足知其文難述其辭罕繼者矣大凡有文人不擇難易皆出於毫端者乃大作者也揚雄之文丘軻乎而有廣騷也梁竦之辭班馬乎而有悼騷也又不知王逸奚罪其文不以二家之述為離騷之兩派也昔者聖賢不偶命必著書以見志况斯文之怨抑歟噫吾之道不為不明吾之命未為不偶而見志斯文者吾懼來世任臣之君因謗而去賢持祿之士以猜而遠德故復嗣數賢之作以九為數命之為九諷焉嗚呼百世之下復有修離騷章句者乎則吾之文未過不為乎廣騷悼騷也

粵勾賈之薄俗兮其風狡而且苦吾欲以直道揜其邪心兮皆騁容而莫顧前誨行兮後止高諭仰兮下俯咸為吾之僕為愚兮竝以吾之靈為傴羌靈脩之乃吾知兮先聯我而為輔奈其臣之信信兮及不知吾之所撫吾欲以明喆之性辨君臣之分兮定文物之數吾欲以正訐之道兮進忠賢而退姦取吾欲以醇醲之化兮反當今而為往古吾欲以付度之志兮定觚圓而反規矩念儻敷之在位兮若臬羊之當路內灼怛以如傳兮復何知其所勸乃指天而鬱鬱兮將天奪乎國祜永惄惄以何言兮將求知其吾祖

正俗



有昉兮點而謂之不絜有泉兮壅而謂之不決有莖兮輶而謂之不芳有軸兮輶而謂之不轍聲咷許素唏以無音兮氣鬱悒而空咽既怒怒以增懼兮文謾謾而漫不訣誣彭祖以為鴆兮謫殤子以為堇夥衆人之難信兮擗夸者之不悅佞為瘞兮向去茲為疣兮莫副音譴為轡兮莫御謗為玉兮何切彘既臙而必烹兮木方爨子公切兮必折心轆轤而似車兮思絲絲而如舐手欲動兮似拳足將行兮如綫既不辨其顏跣兮遂一貫於堯桀吾哀生之不遲兮奚至死而懅懅念帝座之不燠他切兮故交光於卷舌既何路以自辨兮遂沒齒而癆刺

遇誘

靳尚之言兮美如嬖子蘭之氣兮醜於醒既怒睨音以相向兮遂裹足而南征面懼懼以美色心慄慄以何情耳方聰兮忽睽目正視兮忽盲目當午兮便昊天方晝兮不明欲泣兮有血將啼兮失聲望靈脩兮似失出國門兮若鷲軻識怨兮亦緩駟知愁兮復鳴既徜徉兮夏水復眷戀兮南荆嗟余夙秉於大訓兮涵清骨之忠貞既質質者之莫予容兮向重蒼蒼而自盟既憊路南仁以憑義兮遂鉅信而規規誠將真宰之不仁兮明為役余以此生彼鸞斯之有賦兮固不能容乎鷓鴣彼芟芟之叢穢兮固不能讓乎杜蘅已矣乎國無人兮莫我留將訴帝于玉京

見逐

荷為凋丁牛切兮芟為禿碑荃為禿居勿切兮薜為禿弭吾棹兮漣之浦駐吾楫兮湘之湄悲莫悲兮新去國怨莫怨兮新相思幽篁簫兮靜晚清漪澹兮去遠湘君欲出兮風水急帝子不來兮煙雨微芷既老兮白蕖於角切日將暮兮紅菱朝浮乎鷓鴣啼夕叫乎羈雌搯禮流漾兮不止潢黃悠悠兮何之日出沒兮北渚雲依佈兮九疑既無人以辯余兮又何心而怨咨退不解其悒悒上音鐸下音博兮進不知其忸怩寒蜩怨而無聲兮古木悽其寡枝嗟吾鬼之不及兮千秋萬歲湘中馳

悲遊

慨天道之不明兮何獨生此大侮若猓鳩給之能冠兮當一國而持

柄見舌臣之反詐兮信其主以不競轍已覆而又遵兮仇噫將
翻而不整不思心腹之疾兮又玩膏肓之病竟客死於咸陽兮終
不作毒王之幸既養虺切胡以為患兮遂倒釘音以授柄將諛臣以
肆禍兮豈上天之付命粵吾大以為不可兮彼以災而為慶儻靈
均之鬼有知兮刷吾恥於下瞑

閔邪

有美一人兮端憂千喑蔭萬怒兮曾不得以少休腸結多以莫
迴兮淚啼極而不流王孫何處兮碧草極目公子不來兮清湘
滿樓汀邊月色兮曉將曉浦上蘆花兮秋復秋天沉寥以似淬
兮峯巉崿以如抽筭簫颯兮兩岸杜若死兮霜洲遺余程兮澧
之側整余陌兮湘之幽望女嬃兮秭歸夢懷宋玉兮荆門愁欲向
天以號咷兮寸晷不可以少留又不知吾魄所處兮永寞寞以悠悠

端憂

山之巔兮水之矣桂為祠兮蘭為祀執玉桴兮扣雷鼓奠金盃兮
滴浮蟻薦瓊芳兮望暮雲獻椒醕兮拜寒水祝盼蠻以怪談

粹二

四十一

陳

兮巫妖治而魅醉波閃條兮湘君竹蕭疎兮帝子日將暮兮河伯
秋正深兮山鬼神之化兮何方人之艱兮至此胡不化其邪而為正
兮胡不反其戾而為義胡不轉其亡而為興兮胡不易其亂而為
治但血食於下國兮罪不少禱於有位吾將乘青螭而駕白虬兮
謁帝而訴神之累請天弧發鏃兮天摺行箠神速悔尤兮俾吾
靈脩而易志

紀祀

粵吾秉志兮絜於瑾瑜芬其德而芳其道兮榮於薜蘿蕪將興
國以見罪兮擬佐王而蒙辜彼羣小之茸茸兮如慕臭之鼈蟬
以大鵬為爵兮以康瓠為觥以衮衣為襟兮以黎丘為墟以鄭姬
為醜兮以子產為愚以鮑焦為貪兮以孔聖為巫吾將奮鱗於大
空兮奚獨慕此江湖吾將發榮於蟠桃兮奚獨守此蒿蕪吾將
蕩其魄兮驟風軻與軋車謁帝於冥冥之天兮秉其生殺之樞將
飄飄以為逝兮亦何必懷此佞邪之故都

捨慕

堯死兮舜滅禹殄兮湯絕似玉兮將沈如金兮永沒行以仁兮止以義生以貞兮死以繫念余曾不足以蹈聖閭兮亦慕茲而自悅湘浦兮煙深沉江兮風切顧影兮自憐撫躬兮永訣鬼慘兮神悲雨泣兮泉咽音汨沒以太淵淪兮永幽憂而怫鬱湘之山兮未盡湘之流兮不竭千秋兮愁雲萬古兮明月靈均之冤兮孰能銷其氣靈均之愁兮孰能釋其結來者之目鑒兮無致位於牙孽

繫死

反招魂 并序

皮日休

屈原作大招魂

或曰景差作疑不能明

宋玉作招魂皮子以為忠放不如守介而

死奚招魂為故作反招魂一篇以辨之辭曰

承溟滓之命兮付余才而輔君君既不得乎志兮余飄飄而播遷余蕩大空而就滅兮君又招余俾復身余誦帝以請訣兮帝俾巫陽以筮云巫陽語余以不可歸兮故作詞以招君乃下招曰余君兮歸來故都慎不可留此其君雄虺兮其民封狐此食民之肝鬲以為其肉兮摘民之髮膚以為其衣此朝刀鋸而暮鼎鑊兮上曖昧而下墨眉尿

辭二

四十一

癡些君兮歸來故都慎不可留此余昔為比干之魄兮干僂而余去此未聞干貪生以自招兮余竟終其所處此君兮歸來故都慎不可留此余昔為伍胥之魄兮胥僂而余逝此未聞胥貪位以惜生兮執屬鏤而不滯此君兮歸來故都慎不可留此余昔為弘演之魂兮演自殘而余行此余未聞演惜余以不死兮俾其義而益明此君兮歸來故都慎不可留此帝命余以輔君兮亦以君之忠介些今以忠而見聞兮尚盤桓而有待此將自富貴而入羈旅兮其志乃悔些將戀骨肉而惜家族兮何不自裁些梟食母而獍食父兮見禽獸之為生些苟凶殘者冒壽兮實梟獍而同名些君乎慎勿懷故都之戀歸來乎余為君存千古忠烈之榮枯些

悼賈 并序

皮日休

余嘗讀賈誼新書見其經濟之道真命世王佐之才也自此漢氏革嬴高祖得於矢石不暇延儒人及為天子制缺度弛處華而夷是時獨有叔孫生能定朝儀其制未悉唯生草其書以制屈諸侯推定正朔調革輿服通流貨幣天不祐漢絳灌興謗賈

枉其道出傳湘沅生自以不得志哀屈平之放逐及渡湘沈文以弔
之故其辭曰騶九州而相君兮何必懷此故都噫余釋生之意矣
當戰國時屈平不用於荆則有齊趙秦魏矣何不捨荆而相他
國乎余謂平雖遭靳尚子蘭之讒不忍捨同姓之邦為他國之相
宜矣然則生之見弃又甚於平當漢時捨文帝則諸侯矣如適諸
侯則新書之文抑諸侯而尊天子也捨諸侯則胡越矣則新書之文
滅胡越而崇中夏也是以其心切其憤深其詞隱而麗其藻傷而
雅余悲生哀平之見弃又生不能自明其道嗚呼聖賢之文與道
也求知與用苟不在於一時而在於百世之後者乎其生之哀平歟
余之悲生歟吾之道也廢與用幸未可知但不知百世之後得其
文而存之者復何人也咸通癸未中南浮至沅湘復沈文以悼之
其辭曰

粵炎緒之媯繇兮其國度之未彰天錫生以命理兮翼其道之
益光偉吳公之知賢兮道其名於文皇既轉乃啟軫以召之兮遂位之
於上庠愍耄儒之蠢愚兮對天問之不臧既羣儒之讓俊兮馳其

譽之煌煌嗟大漢之丕緒兮蚘其賢於汙潢上下溷而不分兮議
制削於驕王殺僂焚而不制兮斷粹胡與寇攘羌虜全以侵華兮
曾不能以抑強餌其嗜之延延兮寔三代之計良念五德之更承兮論
殫結而不綱乃秉臆以興說兮數用五而色尚黃又諸侯以開國兮輸
其租於咸陽曾不得以撫民兮俾其君兮何忘請紆網以乘印兮各
馳化於所疆上既悅而欲大用兮遭絳灌與東陽道既擯兮何明乃
出傳於沅湘浮沅波之翕沓兮或澆棹以夷猶望靈均之沒所兮願
類其心之怛怛遙臨汨羅之浩漭兮想懷沙之幽憂森摛蘿以蒼蒼鬱鬱

兮時迸狖以相號霧雨暗乎北渚蝮蟪毒乎芳洲景黯沮以不明
兮若天悼乎離騷香依依兮杜若韻淒淒兮繁筵山隱隱以掃
空兮煙微微而淡秋羌吾不知所感兮淚憤恨以橫流當抱蟻於
渺藩兮曾無足以少休既茨亂以傷思兮又鴛鴦以動愁嗚呼哀
哉世既不平頷吾道以為非兮吾復何依蘋蘭憔悴兮稂莠繁
滋麟鳳匿迹兮梟獍騰威憤匠罷斧兮拙者才之離婁閉目兮
瞽者揚眉子都蒙袂兮敦洽騁姿嗚呼哀哉亦先生之尤也胎五

其世之不可兮，何不解而去位，又垂萬世之名，取捨在此，奚自謗於童叟兮？乃憫然而為累，世益伊尹三就五就之心兮，異其民之可治，奈惛惛以不悟兮，又被之以非議，幸人之再覺兮，答受整廬之奧義，既辱存王以墮，駕兮乃冤慟而已矣，訊曰：君不明兮，莫我知，幽都寂兮，和涕歸文懸日月兮，俟後聖用之，大故忽兮，其何足悲。

江有楓一篇十章 并序

蕭穎士

江有楓，思陸鄭二友，吳會舊遊，且疾讒也。君宦于尹府，以直方不偶，見偏讒佞，惟古之賢者有避色避言之義，矯然去之，二室之間，有檇樹焉，與江南楓形胥類，憩於其下，而作是詩，以貽夫三子焉。江有楓，其葉蒙蒙，我友自東，于以遊從，山有檇，其葉漠漠，我友徂北，于以休息，想彼檇矣，亦類其楓，矧伊懷人而忘于東，東可遊矣，會之丘矣，于山于水，于廟于寺，于亭于里，君子遊焉，于以宴喜，其樂亶亶，粵東可居，彼吳之墟，有田有庭，有朋有書，有尊有魚，君子居焉，惟以宴醕，其樂徐徐，我朋在矣，彼陸之子，彼陸之子，淹也。如松如杞，淑問不已，我友于征，彼鄭之子，彼鄭之子，杼也。如琇如英，德音孔明，我思震澤，菱芡幕幕，寤寐如覲，我思剡谿，杉篠萋萋，寤寐無迷，有鳥有鳥，粵鷗與鷺，浮湍戲渚，皓然絜素，忘其猜妬，彼何人斯，曾足傷懼，此懼維何，懼寘于羅，彼驕者子，讒言孔多，我聞先師，體命委和，公伯之愬，則如子何，悵然山河，惟以嘯歌，其憂也哉。

菊榮一篇五章 并序

蕭穎士

菊榮，酬贈離且申志也。又寓大邑賢宰，宋侯惠而好予，賦鳴蟬以貺別，有懷相規，備厥卒章，于以報焉。

采采者菊，芬其榮，斯紫英黃萼，照灼丹墀，愷悌君子，佩服攸宜，王國是維，大君是此宋即太尉文貞公之子也。始爾子孫，百祿萃之。

采采者菊，于邑之城，舊根新莖，布葉垂英，彼美淑人，應家之禎，有絃既鳴，我政則平，宜爾棟崇，必復其慶。

采采者菊，于邦之府，陰槐翳柳，邇楹近宇，彼勞者子，喧卑是處，慨其莫知，蘊結誰語，企彼高人，色斯遐舉。

采采者菊，于賓之館，既低其枝，又弱其幹，有匪君子，是焉波詭，良

辰旨酒宴飲無筭愴其此別終然永歎

歲方晏矣霜露殘促誰其榮斯有英者菊豈微春華懿此貞色人之侮我混于薪棘詩人有言好是正直

有竹一篇七章 并序

蕭穎士

有竹懿李新後閤而讌親友也

有竹斯竿于閤之前君子秉心惟其貞堅兮有竿斯竹于閤之側君子秉操惟其正直兮彼蔚者竹蕭蕭其森矣有開者閤宛其深矣迴簷幽砌如翼如齒冬之宵霰雪斯瀟我有金鑪煴其以歆夏之日火景斯鬱我有珍簟淒其以栗彼紛者務休其豫矣有旨者酒歡其且矣友僚萃止跔萼載鞞彼美公之姓兮那歟應積慶兮期子惟去之柄兮

蟬鳴一篇五章 并序

宋華

蟬鳴感秋興送將歸也僻守外邑而蘭陵子相過詰朝言歸賦詩見志以申贈焉

蟬其鳴矣于彼疎桐庇影容跡何往不容嘒嘒其長永託于風未見君子我心忡忡既見君子樂且有融

彼蟬鳴矣于林之表含風飲露以樂吾道有懷載遷伊誰云保未見君子我心悄悄既見君子披豁予抱

蟬鳴蟬鳴幽暢乎而肅肅爾庭遠近涼颼言赴高柳叢篁間之思而不見如渴如飢亦既覩止我心則夷

蟬鳴伊何時運未與匪歎秋徂怨斯路阻願言其從鬱悒誰語君子至止慰我延佇何斯違斯倏爾遐舉

歲之秋深蟬其夕吟披衣軒除蕭蕭蕭風林我友來斯言告離衿何以敘懷臨水鳴琴何以贈言委順浮沈

涼雨一章 并序

蕭穎士

涼雨志楊侯樂賓僚也

習習涼雨泠泠浮颺君子樂胥于其賓僚有女斯天式歌且誥歡言終宵惟以招邀于胥樂兮

虞獲子鹿一篇 并序

韋應物

虞獲子鹿憫園鹿也遭虞之機張見畜於人不得遂其天性焉

虞獲子鹿畜之城陬園有美草池有清流但見蹙蹙亦聞呦呦誰知其思巖谷之游

上古之什補亡訓傳十三章

顧況

上古懲農也

遐哉上古生棄與柱勾龍氏主乃有甫田惟彼甫田有萬斯年開利之源無乃塞源一墨亦官百墨亦官嗇夫孔艱浸兮曠兮申有蝨兮惟馨祀是患豈止饑與寒嗇夫咨咨稊盛苗衰耕之耰之撥襖鋤犁手胼足胼水之蛭蝻吮喋我肌我姑自思胡不奮飛東人利百西人利百有匪我心胡為不易河水活活萬人逐未俾爾之愉悅兮

上古之什一章

左車憑險也

震為雷凡長之左東方之師也憑險不已君子憂心而作是詩

左車有慶萬人猶病曷可去之于黨孔盛敏爾之生胡為波迸左車有赫萬人毒螫曷可去之于黨孔碩敏爾之生胡為草戚

左車二章

築城刺臨戎也寺人臨戎以墓塋為城壁

築城登登于以作固咨爾寺兮發郊外冢墓死而無知猶或不可若其有知惟上帝是愬

築城弈弈于以固敵咨爾寺兮發郊外冢甍死而無知猶或不可若其有知惟上帝是謫

築城二章

持斧啓戎士也戎士伐松柏為蒸薪孝子徘徊而作是詩

持斧持斧無前翦我松柏兮

持斧一章

十月之郊造公室也君子居公室當思布德行化焉

十月之郊羣木肇生陽潛地中舒達勾萌暄其蔚兮不可以遊息乃煥蒺藜乃夷荆棘乃繇彼曲直匠氏度思登斧以時澤梁蓁蓁無或夭枝有巨根蒂生混茫際呼吸羣籟萬人揮斤坎坎有厲陸遷水濟百力殫弊審方面勢姑博其製作為公室公室既成禦燥濕風日棟之斯厚榱之斯密如翼于飛如鱗櫛比繚

以周墉城以崇階俯而望之直聳與雲齊礪砭砭藻并琰題丹
素之燥兮板桂之馥兮高閣高閣珠綴結絡金鋪爛若不集于
鳥雀繪事告畢賓筵秩秩乃命旨酒琴瑟琴瑟在堂莫不靜謐
周環掩闥仰不漏日冬日嚴凝言納其陽和風載昇夏日鬱蒸言
用于陰涼風颯興有匪君子自賢不已乃夢乘舟乃夢乘車夢
人占之更爽其居炎炎則移皎皎則虧木實之繁兮明年息枝
爰處若思胡寧不爾思

十月之郊一章

燕于巢審日辰也

燕不以甲乙銜泥

燕燕于巢綴葺維戊甲兮乙兮不宜有謬飛龍在天雲掩于斗
曷日于雨乃曰庚午彼日之差亦孔斯醜昔在羲和酒淫不修我
筮我龜莫我告繇猶迺征之彝倫九疇君子授律是禡是禴三五
不備罔克攸遂惠此蒸人毋廢爾事爾莫我從維來者是翼

燕于巢一章

蘇方諷商胡舶舟運蘇方歲發扶南林邑至齊國立盡

蘇方之赤在胡之舶其利乃博我土曠兮我居闐兮我衣不白
兮朱紫爛兮傳瑞曄兮相唐虞之維百兮

蘇方一章

陵霜之華傷不實也

陵霜之華我心憂嗟陰之勝矣而陽不加塊軋陶鈞乃帝乃神乃
舒乃屯烈烈嚴秋熙熙陽春職生有倫今華發非其辰辰屬東
方之仁遐想三五黃帝登雲堯年百餘二儀分位六氣不渝二景
如璧五星如珠陵霜之華兮何不妄敷

陵霜之華一章

困哀閩也

困音蹇閩俗呼子
為困父為郎罷

困生閩方閩吏得之乃絕其陽為臧為獲致金滿屋為髡為鉗
如視草木天道無知我罹其毒神道無知彼受其福郎罷別困
吾悔生汝及汝既生人勸不舉不從人言果獲是苦困別郎罷
心摧血下隔地絕天及至黃泉不得在郎罷前

困一章

我行自東不遑居也。

我行自東山海其空。旅棘有叢。我行自西壘與雲齊。雨雪淒淒。我行自南烈火滿林。日中無禽。霧雨淫淫。我行自北燭龍寡色。何枉不直。我憂京京。何道不行兮。

我行自東一章

採蠟怨奢也。荒巖之間有以續蒙其身。膏藤造險。及有羣蜂肆毒。哀呼不應。則上捨藤而下沈壑。

採採者蠟于泉谷兮。煌煌中堂。烈華燭兮。新歌善舞。絃柱促兮。荒巖之人自取其毒兮。

採蠟一章

倬彼我系一首

王勃兄勸序

倬彼我系。舍弟虢州參軍勃所作也。傷迫乎家貧道未成而受祿不得。如古之君子四十強而仕也。故本其情性源其事業。因陳先人之迹。以議出處。致天爵之艱難也。

倬彼我系。出自有周。分疆錫社。派別枝流。居衛仕宋。匡嬴相劉。

迺武迺文。或公或侯。

晉曆崩圯。衣冠擾弊。粵自太原。播徂江澨。禮喪賢隱。時屯道閉。王室如燬。生人多瘡。

伊我有器。思逢其主。自東旋西。擇木開宇。田彼河曲。家乎汾浦。天未厭亂。吾將誰輔。

伊我祖德。思濟九埏。不常厥所。于茲五遷。欲及時也。天豈願焉。其位雖屈。其言則傳。

爰述帝制。大蒐王道。曰天曰人。是祖是考。禮樂咸若。詩書具草。貽厥孫謀。永為家寶。

伊余小子。信慙明哲。彼網有條。彼車有轍。思屏人事。克終前列。于嗟代網。卒余來綈。

來綈伊何。謂余白仕。我瞻先達。三十方起。夫豈不懷。高山仰止。願言毓德。啜菽飲水。

有鳥反哺。其聲嗷嗷。言念舊德。憂心忉忉。今我不養。歲月其滔。僂俛從役。豈敢告勞。

從役伊何薄求卑位告勞伊何來參卿事名存實爽負信愆
義靜言遐思中心是愧

元和聖德詩一首 并序

韓愈

臣愈頓首再拜言曰臣伏見皇帝陛下即位以來誅涼茲臣朝廷
清明無有欺蔽外斬楊惠琳劉闢以收夏蜀東定青徐積年之
叛海內怖駭不敢違越郊天告廟神靈歡喜風雨明晦無不從
順太平之期適當今日臣蒙被恩澤日與羣臣序立紫宸殿下
親望穆穆之光而其職業又在以經籍教導國子誠宜率先作
歌詩以稱導盛德不可以詞語淺薄不足以自效為懈輒依古
作四言元和聖德詩一篇凡千有二十四字指事實錄具載明天
子文武神聖以驚動百姓耳目傳示無極其詩曰

皇帝即祚物無違拒曰暘而暘曰雨而雨維是元年有盜在夏欲
覆其州以踵近武皇帝曰嘻豈不在我負鄙為艱縱則不可出
師征之其衆十旅軍其城下告以福禍腹敗枝披不敢保聚擲
首俾外降幡夜啓疆外之險莫過蜀土韋臯去鎮劉闢守後

韓二

四十八

五

血人于牙不肯吐口開庫啗士曰隨所取汝張汝弓汝伐汝鼓汝
為表書求我帥汝事始上聞在列成怒皇帝曰然嗟遠士女苟
附而安則且付與瀆命于庭山節少府朝發京師夕至其部闢
喜謂黨汝振而伍蜀可全有此不當受萬牛鬻肉萬甕行酒
以錦纏股以紅帕首有恠其忽有餌其誘其出穰穰隊以萬數
遂劫東川遂據城阻皇帝曰嗟其又可許爰命崇文分卒禁禦
有安其驅無暴我野日行三十徐壁其右闢黨聚謀鹿頭是守
崇文奉詔進退規矩戰不貪殺擒不藍縷四方節度整兵頓馬
上章乞討俟命起坐皇帝曰嘉無汝煩苦荆并洎梁在國門戶
出師三千各選爾醜四軍齊作躬其如阜或披其角或脫其距
長驅洋洋無有齟齬八月壬午闢弃城走載妻與妾包裹稚
乳是日崇文入處其宇分散逐捕搜原剔藪闢窮見窘無地自
處俯視大江不見洲渚遂自顛倒若杵投曰取之江中枷脰械手
婦女纍纍啼哭拜叩來獻闕下以告廟社周示城市咸使觀
覩解脫孿索夾以砧斧婉婉弱子赤立偃僂牽頭曳足先斷

膏旂次及其徒體骸撐拄未乃取闢駭汗如寫揮刀紛紜爭切膾
脯優賞將吏栝珪綴組帛堆其家粟塞倉庾哀憐陣歿廩給
孤寡贈官封墓周币宏溥經戰伐地寬免租簿施令酬功急疾
如火天地中間莫不順序幽恒青魏東盡海浦南至徐蔡區外
雜虜烜威赫德踔蹈舞掉弄兵革私習簋簠來請來覲十
百其耦皇帝曰吁伯父叔舅各安爾位訓厥吐晦正月元日初見宗
祖躬執百禮登降拜俯薦饗新宮視瞻梁栢戚見容色淚落入
俎侍祠之臣助我惻楚乃以上辛於郊用牲除于國南鱗筍毛簋
廬幕周施開揭磊砢獸盾騰竿圓壇帖妥天兵四羅旂常婀娜
駕龍十二魚魚雅雅霄昇于丘奠璧獻罍衆樂譙作轟轟融
冶紫焰嘘呵高靈下愴羣星從坐錯落侈哆日君月妃煥赫嫫
媿瀆鬼濛鴻獄祇喋峨飲沃羶薌產祥降嘏鳳皇應奏舒翼自
拊赤鱗黃龍積陀結糾卿士庶人黃童白叟踴躍歎呀失喜噎
歐乾清坤夷境落褰舉帝車迴來日正當午幸丹鳳門大赦天下
滌濯剗礪磨滅瑕垢續功臣嗣拔賢任者孩養無告仁滂施厚

韓愈

五

五

皇帝神聖通達今古聽聰視明一似堯禹生知法式動得理所天錫
皇帝爲天下主并包畜養無異細鉅億載萬年敢有違者皇帝勤
儉盥濯陶瓦斤遣浮華好此締紵勅戒四方侈則有咎天錫皇帝多
麥與黍無召水旱耗于雀鼠億載萬年富存貧寔皇帝正直別
白善否擅命而狂旣翦旣去盡逐羣姦靡有遺侶天錫皇帝庇
臣碩輔博問遐觀以置左右億載萬年無敢予侮皇帝大孝慈
祥悌友怡怡愉愉奉太皇后浹于族親濡及九有天錫皇帝與
天齊壽登茲太平無怠永久億載萬年爲父爲母博士臣愈職
是訓詁作爲歌詩以配吉甫

鄆州谿堂詩一章 并序

韓愈

憲宗之十四年始定東平二分其地以華州刺史禮部尚書兼御
史大夫扶風馬公爲鄆曹濮節度觀察等使鎮其地旣一年褒
其軍號曰天平軍上即位之二年召公入且將用之以彼之人安於公也
復歸之鎮上之三年公爲政於鄆曹濮也適四年矣治成制定衆志
大固惡絕於心仁形於色竭心力以供國家之職于時沂密始分而殘其

帥其後幽鎮魏不悅于政相扇繼變復歸於舊徐亦乘勢逐帥自
署同於三方惟鄆也截然中居四鄰望之若防之制水恃以無恐然
而皆曰鄆爲虜巢且六十年將強卒武曹濮於鄆州大而近軍所
根柢皆驕以易怨而公承死亡之後撥拾之餘剝膚椎髓公私埽地
赤立新舊不相保持萬目睽睽公於此時能安以治之其功爲大若
幽鎮魏徐之亂不扇而變此功反小何也公之始至衆未熟化以武則
忿以恩則橫而肆一以爲赤子一以爲龍蛇憊心罷精磨以歲月然
後致之難也及教之行衆皆戴公爲親父母夫叛父母從仇讎非人
之情故曰易於是天子以爲尚書右僕射扶風郡開國伯以褒嘉
之公亦樂衆之和知人之悅而侈上之賜也於是爲堂於其居之西
北隅號曰谿堂以饗士大夫通上下之志既饗其從事陳曾謂其
衆言公之畜此邦其勤不亦至乎此邦之人累公之化惟所令之不
亦順乎上勤下順遂濟登茲不亦休乎昔者人謂斯何今者人謂
斯何雖然斯堂之作意其有謂而暗無詩歌是不考引公德而接
邦人於道也乃使來請其詩曰

帝奠九壘有葉有年有荒有條河岱之間及我憲考一牧正之
視邦選侯以公來尸公來尸之人始未信公不飲食以訓以徇孰
飢無食孰呻孰嘆孰冤不問不得分願孰爲邦不蝕節根之蠹羊
很狼貪以口覆城吹之煦之摩手拊之箴之石之臍而磔之凡公四
封既富以強謂公吾父孰違公令可以師征不寧守邦公作谿堂
播播流水淺有蒲蓮深有蒹葦公以賓燕其鼓駭駭公燕谿
堂賓校醉飽流有跳魚岸有集鳥既歌以舞其鼓考考公在谿
堂公御琴瑟公暨賓贊稽經誦律施用不差人用不屈谿有蒼芩
有龜有魚公在中流右詩左書無我數遺此邦是麻

漢隄詩一首并序

盧肇

上元年秋漢水大溢齧襄隄以入既沈漢郭遂滅峴趾棟榱且流
墜溺無筭襄之城僅以門免三日水去陷爲大塗餘民棲于楚山
號不敢下餒躓相挽其能全者什六七上大憂曰襄惟東南實脰
荆海若氣不息吾躬曷瘳今天下降下災于有漢庭垣盡諸背斃
在淖有嬰墜井母實號之今襄臣盡隊去吾號尚及哉咨乃卿士

壽能振之以易吾乳成以地官范陽公舊理南粵島夷率化廿于民心俾踐于襄必克底又上俞以往公既至省漢之溺由舊防之不固幾五十載又詢之漢水之不犯襄鄂惟是甚災既魚土庶災或能嗣孰以過之募民新漢之隄食敵其功資三其食良因故隄之址廣倍之高再倍之距襄之郊繚半百里明年春隄成公具以疏上大歡復襄之疲民一祀賑穀十萬斛民既保寧謳歌怡愉既而舒蘇不知曩之災也昔狄敗衛侯于熒澤齊桓公之德今公之爲是隄也襄有衛人之思焉而況宣天子之慈以生厥民曷齊桓之尚哉噫五材之生診也必極于物物之既極天必資明哲以蘇之理之常也古之人有力保一邑勇禦一寇謂之有功尚以金石載之況捍大災救大患其美若是豈得無稱焉是宜以聲詩播之登于樂府惟漢亦有瓠子之歌是可類之謹按正考甫作商詩公子奚斯命太史克請于周作魯詩比其國之公族也肇於公爲族孫幸力於文所不宜默惟峴之碑曰羊公惟隄之詩曰盧公是古今之相光昭也其誰曰不然詩曰

陰沴好陽來暴于襄洎入大郭波端若鋸觸厚摧高不知其防駭

潰顛委萬室皆毀竈登蛟鼉堂集鱸鮪惟恩若讎母不能子洪潰

既涸閉閔其虛已墮我堵以利我廬酸傷顧望若踐丘墟帝曰念

嗟朕曰南顧流災降慝天曷台怒滔滔襄郊梓我嬰孺於惟餘

毗飢傷喘呼故斯爲淫瘼孰往膏傅惟汝元寮僉舉明哲我公

用諧苴茅杖節來視襄人燠於六休許又切提挈不日不月哈乎抃悅

乃詠故隄陷于沙泥缺落坳坳由東訖西公曰嗚呼漢之有隄實

命性命襄人不力乃力則及乃身具錡與畚漢隄其新帝廩有粟

帝府有緡爾成爾隄必錫爾勤襄人怡怡聽命襄詩北月囊肩

杵奔走蹈舞分之卒伍今以麾鼓尋尺既度日月可數登登業

業固旋上下披峴斲楚楚峴山在襄南飛石輓土舉築殷雷駭汗霏雨

疲瘡鰥獨奮有筋脊呀呀來助提篋負管不勞其勞雜沓笑

語咸曰盧公來賜我生斯隄既成蜿蜿而平確爾山固屹如雲橫

漢流雖狂堅不可蝕代千年億與天無極惟公之隄昔在人心既

築既成橫之于南萌渚不峻此門不深今復在茲于漢之陰斯隄

已崇茲民獲祐覲童相慶室以宇富貽于襄人願保厥壽繫公之功赫焉如晝捍此巨災崒若京阜天子錫之百姓載之族孫作詩昭示厥後

有所恨二章并序

歐陽詹

有所恨由故人馬紳死而興也予待試京師六年與馬生相知者四秋性與情相合也衣與食相同也予及第歸覲故園自別來無憶不至於襟懷無想不至於姿容願一促膝怒如也昨既至止馬生且疾巫者忌以見人曰不見即愈見即害遂忍即見庶以求見忍者五日馬生云亡噫故人也昔越萬里猶求見焉惑乎一言蔽乎一垣而死者以之死生之道千秋之離也五日之面半旬之歡也尚可半旬之歡不就而卒甘千秋之離一恨也又與生別搯執都門生脫紫羅半臂曰即日相去秦吳聊以為憶予貧也素乏衣服不暇藏篋笥聯緜在身二年間同弊帛以弃所以新而輕著故而不留者予實未衰焉其方少爾斯日日相與也所留何止在茲乎今人既往所贈又造次而亡之二恨也申二恨為有所恨二章云

我思君子吁嗟萬里亦既至止曷不勸止本不信巫而巫言是履在門五日如待之死有所恨兮

我思遺衣為憶以貽亦既受持曷不保持本不欺友而友情是違隔生之贈造次亡之有所恨兮

水悠悠寄姪老成也

韓愈

河之水去悠悠我不如水東流我有孤姪在海隅三年不見兮使我生憂日復日夜復夜三年不見汝使我鬢髮未老而先化河之水悠悠去我不如水東注我有孤姪在海浦三年不見兮使我心苦采蘋于山緡魚于泉我徂京師不其還

水悠悠二章



